

一一二 大晉龍興辟雍碑

立碑 晉 咸寧四年（二七八）十月廿日

石高 二〇七浬。寬一一〇浬

隸書 碑陽 三〇行。行五五字

碑陰 十列。六十六字

篆額 大晉龍興／皇帝三臨辟雍／皇太子又再莅之／盛德隆熙之頌

原石 河南省偃師縣佃莊鄉南寨門內西邊に現存

曰昔在先代肇開文教殊風至化發跡乎黃唐備物致用具體於三代歷自列辟廢興存亡以降于秦漢雖開國立統而皇道不融帝典闕而未備王綱有所不張累世彌久有由來矣至于大晉龍興當魏氏多難而天命未壹豪桀虎爭三方分崩寔賴

宣皇帝櫛風沐雨經營寓內是時正朔未加于華陽王教不被於江表西嶠拊膺楊越內侵戎車屢駕抑有不暇雖誕敷神武光被四海流風邁化

惠懷黎元而未遑治定之制儒道不得並時而施至于

5 文皇帝方寇負固猶未帥職左提右挈虔劉邊垂乃振威域外遠定梁益西戎既殄遂眷東顧文告江裔爲百姓請命南蠻順軌革面款附九服混

同聲教無貳彭濮肅慎織皮下服之夷楷矢石磐齒革大龜之獻莫不和會王庭屈膝納贄戎夏既泰九域無事以儒術久替古典未隆乃興道

教以熙帝載廓開大學廣延羣生天下鱗萃遠方慕訓東越于海西及流沙並時集至萬有餘人暨

聖上踐祚崇光前軌闡五帝之絕業邁三代之弘風敦禮明化以庠序爲先乃遣相國長史東萊侯史光主簿東萊劉毅奉詔詣學延博士會學生

諮詢讜言又下丙辰詔書興行古禮備其器服大常樂安亭侯琅邪諸葛緒博士祭酒騎都尉濟南劉熹博士京兆段溥考合儀制述造絃歌泰

始三年十月始行鄉飲酒鄉射禮馬鄭王三家之義並時而施然後疊樽列於公堂俎豆陳于庭階鄉縣之樂設百拜之儀陳縉紳之士始覩揖

讓之節金石之音六年正月熹溥等又奏行大射禮乃抗大侯設泮縣用肆夏歌騶虞邦君之制於是而顯其年十月行鄉飲酒禮

皇帝躬臨幸之正法服負黼展延王公卿士博士助教治禮掌故弟子門人咸在列位莫不被文相德祗服憲度穆穆焉濟濟焉搶搶焉禮行樂奏

詔曰群生勤學務禮遵脩舊典朕甚嘉之遂班饗大燕上下咸周三家之禮庭肆終日既而錫寺卿丞博士治禮學生下至樂工束帛幘巾各有等

差厚施豐備人知所勸宇內承風莫不景慕于時方國貢使及款塞入獻之戎倍于海外者蓋以萬數若夫耆老嘔數於邑里士女抃舞於郊畛

歌詠升平之謠咨嗟大同之慶布濩流行充塞四嶠飛英騰茂實足以盈天地而冒六合矣咸寧三年太常脩陽子平原劉寔命博士京兆段

暢漁陽崔豹講肆大禮冬十一月行鄉飲酒禮四年二月行大射禮于辟雍

皇太子聖德光茂敦悅墳素酌道德之原探蹟仁義之藪遊心遠覽研精好古務崇國典以協時雍乃與大保侍中大尉魯公充大傅侍中司空

齊王攸儋事給事中光祿大夫關內侯瑛及百辟卿士同升辟雍親臨禮樂降儲尊之貴敦齒讓之制壽咨軌憲敷納話言堂列不臣之客庭延

布衣之賓緝柔學徒接引衆心溫溫其仁翼翼其恭故夫洪烈之美可述而不可及規模之格可衍而不可階是以髦士駿奔華夏嚮臻熙聖

緒光融至化儀形萬國作孚四方盛德大業於斯爲美於是學徒沐浴純澤承風感化伏膺詠歎不知手之舞之乃相與言曰蓋享帝王之位者

必有則天之象成厚載之功者必建不朽之業是以順應交泰莫崇乎三皇開物興務罔隆於五帝前聖之所歸美永守鴻名常爲稱首唯斯而

已然夫品物咸亨以廣被爲貴天下化成以同風爲大光于前人可得篤述者鮮矣觀今變通之符典模之則順天承運肇造區域則虞夏之烈

也建皇極之中恢配天之範則義農之略也韜威邁德樹之風聲則湯武之軌也蘭化本垂道綱則宣尼之教也兼六代之美跡苞七聖之遐蹤

魏魏蕩蕩大晉其是也已昔先葉德化可述儀形可像皆發之於雅頌播之于金石故使風流長存暉光不墜且古詩之興采遊儻之歌收牧

豎之謠今遇不世之運被覆燾之施豈無風人之作奚斯之志哉於是禮生守坊寄學散生乃共刊石譜述洪美遂作頌曰

悠悠皇羲承天作帝幽讚神明觀象天地三墳五典八素九丘發原在昔邁茲清流大道陵遲質文推移樸散爲器醇澆爲灘降遷三代世篤軌


儀郁郁之美莫尚於斯六國從橫禮樂消亡秦焚其緒漢末之詳鑠哉皇代時惟大晉龍飛革命天應人順敷演彝倫亮采賢儒神化罔極風翔

雨潤明明太子玄覽惟聰遊心六藝再臨辟雍光光翠華聯駉六龍百辟雲集卿士率從儒林在位爰暨生童升降有序行過乎恭祗奉聖敬曠

若發蒙玄冥司節饗飲嘉賓大射之儀講于元春執弓鷹揚百拜遂巡金石迭奏兩禮並陳容服猗猗宴笑斌斌德感庶類洪恩豐沛東漸西被

朔南式賴遂作頌聲永垂萬世

咸寧四年十月廿日立



(碑陰)

(第二列)

大常 修陽子 平原 劉寔子眞

散騎常侍 博士祭酒 穎川 庾純謀

甫

散騎常侍 博士 甄城公 譙國 曹

志允恭

大常丞 陽丘男 譙國 蔣林永元

高功博士 中山 張靖彥貞

典行鄭大射禮博士 京兆 段暢永弘

典行王鄉飲酒禮博士 漁陽 崔豹正

雄

博士 東郡 周陽彥春

博士 新興 秦秀玄良

博士 京兆 杜琬文琰

博士 東莞 孫毓休朗

博士 梁國 項裴建政

博士 京兆 韋承元舉

博士 平原 宋昌茂初

博士 陳國 謝衡德平

(第二列)

助教中郎 長□□□□

治禮議郎 魯國 孔胤宗朗

治禮議郎 大原 □質忠宣

治禮議郎 河南 陳嚴敬平

治禮郎中 濟北 戴瓘公孝

治禮中郎 勃海 王誕承宗

治禮舍人 趙國 耿陵偉發

治禮軍謀掾 樂安 孫優泰元

治禮軍謀掾 東海 戴珍璋琦

大學吏舍人 齊國 徐龍伯虎

大學吏軍謀 陳留 帥囿邵虎

都講 汝南 南廋泰寶

主事 樂平 段干琰伯

禮生 平原 邴惺梁緒

禮生 東萊 王遵宗甫

禮生 燕國 鮮于造長元

禮生 泰山 劉昇休龍

禮生 安平 張智承謀

禮生 平原 徐豐茂元

禮生 魚陽 王如顯元

禮生 安平 王蹈景叔

禮生 河間 劉振君初

禮生 高平 陳宣玄宗

禮生 樂安 樂式泰儀

禮生 陳留 徐睢少先

禮生 趙郡 □超士儁

禮生 安平 王沈弘道

禮生 平原 言輔宣世

禮生 樂安 孫汰初權

禮生 陳國 陳博熙平

禮生 安平 李軼泰宗

禮生 鉅鹿 董膺季龍

禮生 高平 代綽處仲

禮生 江夏 王甫季和

禮生 樂安 董閔泰機

禮生 義陽 韓儉彥恭

禮生 高平 李始長蘭

禮生 中山 孫潛仲龍

禮生 廣平 趙整文修

禮生 范陽 鄺厦□仁

禮生 陽平 毛兆林甫

禮生 平原 王謚道玄

禮生 頓丘 吳霄道明

(第三列)

禮生 北□ 公沙虎陳寶

禮生 安平 張根季□

禮生 平原 張範陽元

禮生 熒陽 張斌長敘

禮生 陳國 汝承慎宗

禮生 河南 路雄元英

禮生 汲郡 李啓肇陽

禮生 濟北 謝偉道元

禮生 勃海 張儁季載

禮生 遼西 路融稚明

禮生 清河 夏頊靈芝

禮生 襄城 王承公興

禮生 趙郡 王察長理

禮生 陽平 馬權長玄

禮生 平原 趙斌長元

禮生 天水 王獻祖文

禮生 勃海 程碩令儒

禮生 遼西 韓逢景時

禮生 代郡 張龍仕法

禮生 廣漢 楊綜宗元

禮生 安平 李默道玄

禮生 樂陵 王湛玄升

禮生 東萊 季登長春

禮生 漁陽 王震世雲

禮生 勃海 王潛處英

禮生 安平 吳洪正翌

禮生 高平 李初長始

禮生 陳國 戴祈恭先

禮生 潁川 須奉正元

禮生 濟北 淳于榮長暉

禮生 中山 王淮季休

禮生 鉅鹿 房元第伯

禮生 濟南 □宏君休

禮生 濟南 李訓閔休

禮生 平□ 馮怡洪奕

禮生 陳留 史肇季初

禮生 沛國 劉烈公休

禮生 東萊 徐輿長權

禮生 趙郡 解肇長倫

禮生 勃海 孫陵七幹

禮生 清河 孫鐸穎伯

禮生 東海 周震子彥

(第四列)			(第五列)			(第六列)			(第七列)			(第八列)			
禮生	陳留	朱[圖]徽永	禮生	平原	杜昊元夏	禮生	鉅鹿	張順伯林	禮生	汝南	黃景伯龍	禮生	陳留	朱[圖]徽永	
禮生	[圖]平	陳[圖]子嬰	禮生	任城	唐乾叔元	禮生	高平	司成景璜	禮生	河東	姚雲叔龍	禮生	[圖]平	陳[圖]子嬰	
禮生	東[口]	許榮初松	禮生	大原	程瑤始宗	禮生	汝南	孫恢弘熙	禮生	梁國	夏侯珍玄初	禮生	東[口]	許榮初松	
禮生	河間	東鄉芬子	禮生	魏郡	李璋延明	禮生	廣平	閻又佐治	禮生	高平	尹[口]季璋	禮生	河間	東鄉芬子	
禮生	頓丘	邵林應龍	禮生	樂陵	閻丘弘休基	禮生	安平	劉林元徵	禮生	安平	[口][口][口][口]	禮生	頓丘	邵林應龍	
禮生	齊國	薛雲玄淑	禮生	中山	張輦國舉	禮生	高陽	王濬叔潛	禮生	高陽	[口][口][口][口]	禮生	齊國	薛雲玄淑	
禮生	濟南	梁丘龍士玄	禮生	右鄭大射禮生		禮生	魯國	于茂延先	禮生	魯國	(第六列)	禮生	濟南	梁丘龍士玄	
禮生	南陽	孫歆顯倫	禮生	都講	平原	韓格始儒	禮生	廣平	李弘季伯	禮生	常山	樊奕熙元	禮生	南陽	孫歆顯倫
禮生	常山	邵和德泰	禮生	樂安	王穎延武	禮生	東莞	鍾驥延秋	禮生	東莞	禮生	安平	禮生	常山	邵和德泰
禮生	梁國	吳穆孝韶	禮生	高平	鄭岐士伯	禮生	鉅鹿	馮龜始平	禮生	鉅鹿	禮生	[口][口]	禮生	梁國	吳穆孝韶
禮生	河南	左閔伯予	禮生	高陽	劉沈彥博	禮生	勃海	王嗣承祖	禮生	勃海	禮生	陽平	禮生	河南	左閔伯予
禮生	北海	鄧明朱虎	禮生	濟北	丁洪靜元	禮生	廣平	趙庸元休	禮生	廣平	禮生	高陽	禮生	北海	鄧明朱虎
禮生	廣平	馬信長明	禮生	平原	楊儁允叔	禮生	趙郡	宋康玄處	禮生	趙郡	禮生	遼西	禮生	廣平	馬信長明
禮生	勃海	李彥景林	禮生	中山	楊曾宗元	禮生	平原	王緯[口]先	禮生	平原	禮生	安平	禮生	勃海	李彥景林
禮生	樂陵	宋潛叔龍	禮生	汝陰	陳正士弘	禮生	清河	單[口]稚元	禮生	清河	禮生	勃海	禮生	樂陵	宋潛叔龍
禮生	汝陰	夏榮季原	禮生	范陽	高權宗元	禮生	陽平	樂宗國嗣	禮生	陽平	禮生	趙郡	禮生	汝陰	夏榮季原
禮生	趙郡	趙京叔武	禮生	(第五列)		禮生	高陽	韓徵休譽	禮生	高陽	禮生	襄城	禮生	趙郡	趙京叔武
禮生	上黨	程發李元	禮生	濟北	[圖]武始伯	禮生	常山	王璠長思	禮生	常山	禮生	右王鄉飲酒禮生	禮生	上黨	程發李元
禮生	常山	邱兆宗林	禮生	中山	綦峻季疑	禮生	遼西	范進令機	禮生	遼西	掌故	熒陽	禮生	常山	邱兆宗林
禮生	河間	劉汰休叔	禮生	勃海	張[口]伯申	禮生	平原	張則叔[口]	禮生	平原	弟子	汲郡	禮生	河間	劉汰休叔
禮生	襄城	路虔長元	禮生	濟丘	顏朗長舒	禮生	廣平	閻羲令叔	禮生	廣平	弟子	汲郡	禮生	襄城	路虔長元
禮生	高陽	劉春休先	禮生	濮陽	汲正玄平	禮生	汲郡	梁琦彥思	禮生	汲郡	弟子	河東	禮生	高陽	劉春休先
禮生	穎川	蒯虎季良	禮生	鉅鹿	馮弼不韋	禮生	趙郡	苗謚公儀	禮生	趙郡	弟子	河東	禮生	穎川	蒯虎季良
禮生	大原	張龍延龜	禮生	廣平	李延叔儒	禮生	代郡	董爽叔開	禮生	代郡	弟子	河東	禮生	大原	張龍延龜
禮生	陳留	張孜士英	禮生	廣平	張景叔平	禮生	中山	張蘭李時	禮生	中山	弟子	平陽	禮生	陳留	張孜士英
禮生	穎川	公孫贊國安	禮生	廣平	張收孔文	禮生	扶風	段敦文厚	禮生	扶風	弟子	弘農	禮生	穎川	公孫贊國安
禮生	上黨	李淵志元	禮生	漁陽	徐[圖]叔桃	禮生	樂安	康儀令年	禮生	樂安	弟子	清河	禮生	上黨	李淵志元


弟子 清河 成叔君孫
弟子 清河 邢儒文英
弟子 清河 孟珪偉璋
弟子 安平 李權延宗
弟子 安平 李該道休
弟子 安平 崔柔士援
弟子 安平 張隨士世
弟子 安平 馬臨世長
弟子 安平 趙烈靈基
弟子 安平 董超士倫
弟子 廣平 寶衡叔淵
弟子 廣平 張誠叔休
弟子 廣平 高愷巨悌
國子主事 廣平 高盛巨謀
國子司成 廣平 張隨玄時
弟子 鉅鹿 霍□友林
弟子 鉅鹿 賈余允桓
弟子 中山 張遵德舉
弟子 中山 趙卓初季
弟子 高陽 王綸世倫
弟子 高陽 齊游偉龍
弟子 高陽 劉開宗明
□□ □□ □□ □□ □□
(第七列)
弟子 勃海 程秀伯苗
弟子 勃海 樊商廣音
弟子 勃海 李誥□□

弟子 勃海 孫儀今宗
弟子 勃海 陶冲靈默
寄學倍位 陽平 劉雄儒英
弟子 陽平 解种休徵
弟子 頓丘 張宣子叔
弟子 常山 張詠元才
弟子 常山 趙倫曼英
弟子 章武 孫昌元時
國子司業 陳留 董康興元
弟子 陳留 崔誕景舒
弟子 陳留 馮徽賢先
弟子 陳留 吳基茂初
弟子 陳留 胡慮顯思
國子司成 陳留 焦岐宣周
弟子 高平 翟洪長業
主事 高平 夏茂季倫
弟子 高平 江榮初玄
弟子 高平 王勣士南
弟子 濟北 萊嘉世弘
弟子 東郡 伏歆舒伯
弟子 泰山 王揚宣叔
弟子 任城 孫造士元
弟子 東平 曹尚次先
弟子 平原 榮深淵仲
弟子 平原 西門佩士容
弟子 平原 杜頤長旗
弟子 平原 縣伏潛光
弟子 平原 王紹方伯

弟子 平原 孟胤玄嗣
弟子 東萊 唐陽令春
弟子 濟南 彭祈叔謀
弟子 濟南 梁丘熊承伯
弟子 濟南 用榮紹世
弟子 北海 后爽世高
弟子 北海 無選乾儁
弟子 樂安 國慳廣元
弟子 樂安 王弘成叔
弟子 樂安 車度世文
弟子 樂安 接禮兆文
弟子 樂安 王輿世林
(第八列)
弟子 樂陵 □恪元園
弟子 城陽 渾于恢昭裕
弟子 城陽 □振□明
弟子 城陽 侍其□彥雄
弟子 琅邪 □權良伯
弟子 彭城 紀瑾季偉
弟子 沛國 傅康德初
國子都講 汝陰 謝韶南伯
弟子 汝陰 龍運孔機
弟子 梁國 王恂元淑
弟子 魯國 魯施初伯
弟子 穎川 張顥休明
弟子 汝陰 鄭穆季恭
弟子 新平 李琰玄舒

弟子 京兆 王造元始
弟子 馮翊 楊殷泰宗
弟子 遼東 狼休子修
門人 遼東 吳頤令伯
弟子 武都 王璆弘琳
散生 西海 陳參元起
散生 西海 陳基元聲
散生 西海 鄭嵩申伯
散生 西域 朱喬尚建
散生 西域 王邁世光
散生 西域 隗景大卿
散生 西域 隗元君凱
散生 金城 馬林伯儒
散生 金城 淳于□顯初
散生 金城 寶震伯宗
散生 金城 寶良修伯
散生 金城 毛祉偉道
散生 金城 毛條偉達
散生 金城 □稱宣衡
散生 金城 張立子木
散生 金城 淳于文顯章
散生 敦煌 馬訓子道
散生 敦煌 蓋壺思文
散生 敦煌 寶蟠鴻舉
散生 敦煌 田絢巨蘭
散生 敦煌 馬斌世義
散生 敦煌 孟祈長休
散生 西平 田通玄□

散生	西平	鞠輿伯始	散生	西平	楊敷公演	弟子	濟南	孟雄叔才	寄學	濟陰	董原休安
散生	西平	郭平叔直	散生	西平	馬達文伯	弟子	中山	張俊洪元	禮生	高平	闕明孝開
散生	西平	王建弘基	弟子	廣平	崇翼長基	弟子	北海	杜調稚休	弟子	河南	衛翬令孫
散生	西平	王忠初平	寄學	樂陵	趙榮叔烈	弟子	趙國	石鸞龍伯	弟子	清河	單种長□
散生	西平	王嘉士實	禮生	趙郡	宋宗長南	弟子	趙國	張余玄波	弟子	趙國	李施令之
散生	西平	歐陽曼季茂	弟子	平原	許盛長休	弟子	趙國	張恒季龍	弟子	鴈門	王進□□
散生	西平	范宣伯海	弟子	平原	劉旂萬龍	弟子	京兆	楊袞元謀			
散生	西平	矯祈玄龍	弟子	平原	孫瑁稚叔	弟子	京兆	劉純仲賢			
散生	西平	衛直止平	弟子	平原	楊淮稚叔	弟子	大原	常烈公舒			
散生	西平	魏康休祖	弟子	清河	聶涑偉重	弟子	扶風	段奉叔時			
散生	西平	衛其令章	弟子	平原	言坦建世	弟子	鉅鹿	馮矯不遺			
散生	西平	郭豐文盛	弟子	平原	□蒙□□	弟子	清河	郭龍世租			
散生	西平	彭泰文平	弟子	勃海	□蒙□□	弟子	鉅鹿	馬銓令忠			
散生	西平	孫術孔儒	弟子	平原	王述稚舒	弟子	高陽	韓龍稚休			
散生	西平	楊欽仲明	弟子	平原	榮琦士仲	弟子	平原	邢稚延季			
散生	西平	馬管玄仲	弟子	平原	西門開源膚	弟子	平原	樂邵長玄			
弟子	清河	卞曾正子	弟子	平原	程肇處明	弟子	河內	華微子獻			
散生	西平	楊達顯通	弟子	勃海	韓嗣偉宗	弟子	濟陰	張鸞元鳳			
散生	西平	魏崇巨元	弟子	平原	言讚奉國	弟子	河內	東鄉亭令			
散生	西平	王初長發	弟子	平原	傅濯彥叔	弟子	河間	王乂叔康			
散生	西平	衛斐備雄	弟子	平原	李奉令□	弟子	東莞	王元延寶			
散生	西平	田敷威國	弟子	平原	張允國元	弟子	魏郡				
散生	西平	田法長則	弟子	趙國							
散生	西平	丘固獸叔治									



一二 大晉龍興辟雍碑

隸書。三十行、行ごとに五五字（『金石萃篇』）。高二〇七センチメートル、寛一一〇センチメートル。額は篆書で、「大晉龍興皇帝三臨辟雍皇太子又再莅之盛德隆熙之頌」と題するが、一般には、「辟雍碑」と稱される。碑を立てた時期は、碑陽に記載があり、晉咸寧四年（二七八）十月二十日と、日付まで判明している。原石は河南省偃師縣佃莊郷の南寨門内西邊に現存する。

大晉龍興皇帝三臨辟雍皇太子又再莅之盛德隆熙之頌^①

曰昔在先代。肇開文教。殊風至化。發跡乎黃唐。備物致用。具體於三代。歷自列辟。廢興存亡。以降于秦漢。雖開國立統。而皇道不融。帝典闕而未備。王綱有所不張。累世彌久。有由來矣。至于大晉龍興。當魏氏多難。而天命未壹。豪桀虎爭。三方分崩。寔賴宣皇帝櫛風沐雨。經營寓內。是時正朔未加于華陽。王教不被於江表。西嶠拊摑。楊越內侵。戎車屢駕。抑有不暇。雖誕敷神武。光被四海。流風邁化。惠懷黎元。而未遑治定之制。儒道不得並時而施。至于文皇帝。方寇負固。猶未帥職。左提右挈。虔劉邊垂。乃振威域外。盪定梁益。西戎既殄。遂眷東顧。文告江裔。爲百姓請命。南蠻順軌。革面款附。九服混同。聲教無貳。彭濮肅慎。織皮卞服之夷。桔矢石磐齒革大龜之獻。莫不和會王庭。屈膝納贄。戎夏既泰。九域無事。以儒術久替。古典未隆。乃興道教。以熙帝載。廓開大學。廣延羣生。天下鱗萃。遠方慕訓。東越于海。西及流沙。並時集至。萬有餘人。暨聖上踐祚。崇光前軌。闡五帝之絕業。邁三代之弘風。敦禮明化。以庠序爲先。乃遣相國長史東萊侯史光。主簿東萊劉毅。奉詔詣學。延博士。會學生。諮詢讜言。又下丙辰詔書。興行古禮。備其器服。大常樂安亭侯琅邪諸葛緒。博士祭酒騎都尉濟南劉熹。博士京兆段溥。考合儀制。述造絃歌。泰始三年十月。始行鄉飲酒。鄉射禮。馬。鄭。王三家之義。並時而施。然後疊樽列於公堂。俎豆陳于庭階。鄉縣之樂設。百拜之儀陳。縉紳之士。始覩揖讓之節。金石之音。六年

正月。烹。溥等又奏行大射禮。乃抗大侯。設泮縣。用肆夏。歌騶虞。邦君之制。於是而顯。其年十月。行鄉飲酒禮。皇帝躬臨幸之。正法服。負黼屨。延王公卿士。博士。助教。治禮。掌故。弟子門人。咸在列位。莫不被文相德。祇服憲度。穆穆焉。濟濟焉。搶搶焉。禮行樂奏。詔曰。群生勤學務禮。遵修舊典。朕甚嘉之。遂班饗大燕。上下咸周。三家之禮。庭肆終日。既而錫寺卿。丞。博士。治禮。學生。下至樂工。束帛幘巾。各有等差。厚施豐備。人知所勸。宇內承風。莫不景慕。于時方國貢使。及款塞入獻之戎。倍于海外者。蓋以萬數。若夫耆老嘔歎於邑里。士女抃舞於郊畛。歌詠升平之謠。咨嗟大同之慶。布濩流行。充塞四隅。飛英聲。騰茂實。足以盈天地而冒六合矣。咸寧三年。太常修陽子平原劉寔命博士京兆段暢。漁陽崔豹講肆大禮。冬十一月。行鄉飲酒禮。四年二月。行大射禮于辟雍。皇太子聖德光茂。敦悅墳素。斟酌道德之原。探賾仁義之藪。遊心遠覽。研精好古。務崇國典。以協時雍。與太保侍中太尉魯公充。太傅侍中司空齊王攸。詹事給事中光祿太夫關內侯瑛。及百辟卿士。同升辟雍。親臨禮樂。降儲尊之貴。敦齒讓之制。壽咨軌憲。敷納話言。堂列不臣之客。庭延布衣之賓。緝柔學徒。接引衆心。溫溫其仁。翼翼其恭。故夫洪烈之美。可述而不可及。規模之格。可衍而不可階。是以髦士駿奔。華夏嚮臻。緝熙聖緒。光融至化。儀形萬國。作孚四方。盛德大業。於斯爲美。於是學徒沐浴純澤。承風感化。伏膺詠歎。不知手之舞之。乃相與言曰。蓋享帝王之位者。必有則天之象。成厚載之功者。必建不朽之業。是以順應交泰。莫崇乎三皇。開物興務。罔隆於五帝。前聖之所歸美。永守鴻名。常爲稱首。唯斯而已。然夫品物咸亨。以廣被爲貴。天下化成。以同風爲大。光于前人。可得篤述者鮮矣。觀今變通之符。典模之則。順天承運。肇造區域。則虞。夏之烈也。建皇極之中。恢配天之範。則羲。農之略也。韜威邁德。樹之風聲。則湯。武之軌也。闡化本。垂道綱。則宣尼之教也。兼六代之美跡。苞七聖之遐蹤。魏魏蕩蕩。大晉其是也已。在昔先集。德化可述。儀形可像。皆發之於雅頌。播之于金石。故使風流長存。暉光不墜。且古詩之興。采遊僮之歌。收牧豎之謠。今遇不世之運。被覆燾之施。豈無風人之作。奚斯之志哉。於是禮生。守坊。寄學。散生。乃共刊石。讚述洪美。遂作頌曰。

悠悠皇義。承天作帝。幽讚神明。觀象天地。三墳。五典。八素。九丘。發原在昔。邁茲清流。大道陵遲。質文推移。樸散爲器。醇澆爲灘。降遷三代。世篤軌儀。郁郁之美。莫尚於斯。六國從橫。禮樂消亡。秦焚其緒。漢未之詳。鑠哉皇代。時惟大晉。龍飛革命。天應人順。敷演彝倫。亮采賢僞。神化罔極。風翔雨潤。明明天子。玄覽惟聰。遊心六藝。再臨辟雍。光光翠華。駉駉六龍。百辟雲集。卿士

率從。儒林在位。爰暨生童。升降有序。行過平恭。祇奉聖敬。曠若發蒙。玄冥司節。饗飲嘉賓。大射之儀。講于元春。執弓鷹揚。百拜逡巡。金石迭奏。兩禮並陳。容服猗猗。宴笑斌斌。德感庶類。洪恩豐沛。東漸西被。朔南式賴。遂作頌聲。永垂萬世。咸寧四年十月廿日立。

(1) 大晉龍興皇帝三臨辟雍皇太子又再莅之盛德隆熙之頌

龍興「受禪碑」(本書、二)注(16) 參照。

大晉龍興「晉書」卷四十二「王濬傳」：「吳郡孫皓叩頭死罪。昔漢室失御。九州幅裂。先人因時略有江南。遂阻山河。與魏乖隔。大晉龍興。德覆四海。閭閻儉安。未喻天命。」「晉書」卷五十一「庾粲傳」：「大晉龍興。隆唐周之遠跡。王室親屬。佐命功臣。咸受爵土。而四海乂安。」「晉書」卷五十二「華譚傳」：「臣聞漢末分崩。英雄鼎峙。蜀棲岷隴。吳據江表。至大晉龍興。應期受命。文皇運籌。安樂順軌。聖上潛謀。歸命向化。皇帝「晉武帝」。

三臨辟雍「碑文」によると、泰始三年(二六七)十月、同六年正月、及び同年十月のこと。

辟雍「詩」大雅「靈臺」：「虛業維樞。賁鼓維鏞。於論鼓鐘。於樂辟雍。」「禮記」王制：「天子命之教然後爲學。小學在公宮南之左。大學在郊。天子曰辟雍。諸侯曰類宮。」「晉書」卷九十一「儒林傳」序：「武帝受終。憂勞軍國。時既初并庸蜀。方事江湖。訓卒厲兵。務農積穀。猶復修立學校。臨幸辟雍。」「皇太子」即位以前の晉惠帝。

再莅之「碑文」によると。咸寧三年(二七七)。及び同四年二月のこと。

盛德「史記」卷六十三「老子列傳」：「吾聞之。良賈深藏若虛。君子盛德。容貌若愚。」「隆熙」

隆熙「三國志」卷五十八「陸遜傳」：「昔漢高受命。招延英異。光武中興。群俊畢至。苟可以熙隆道教者。未必遠近。」「晉書」卷二十二「樂志」上：「泰始建元。鳳皇龍興。龍興伊何。享祚萬乘。奄有八荒。化育黎蒸。圖書既煥。金石有徵。德光大。道熙隆。被四表。格皇穹。」「

(2) 曰昔在先代

昔在「書」無逸：「周公曰。嗚呼。我聞曰昔在殷王中宗。嚴恭寅畏天命自度。」「

(3) 肇開文教

肇開「晉書」卷二十一「禮志」下：「況高祖宣皇帝肇開王業。海外有載。」「

文教「書」禹貢：「三百里揆文教。」「

(4) 殊風至化

殊風「晉書」卷一百一十二「符生載記」：「三王異政。五帝殊風。趙多姦詐。秦以義信。豈可同年而語哉。」「

至化「三國志」卷五「文昭甄皇后傳」注引「魏書」：「今文昭皇后之於萬嗣。聖德至化。豈有量哉。」「三國志」卷四「三少帝紀・高貴鄉公髦」：「

「二者致化薄厚不同。將主有優劣邪。時使之然乎。」

(5) 發跡乎黃唐

黃唐〓陸機「五等論」(『文選』卷五十四)「夫體國經野。先王所慎。創制垂基。思隆後葉。然而經略不同。長世異術。五等之制。始於黃唐。郡縣之治。創自秦漢。得失成敗。備在典謨。是以其詳可得而言。」

(6) 備物致用

備物致用〓『易』繫辭上「備物致用。立成器以爲天下利。莫大乎聖人。」

(7) 歷自列辟廢興存亡

歷自〓『前漢紀』卷二十七「孝成帝紀」四「歷自上古以來。未有其比。」

廢興存亡〓『左傳』襄公二十七年「兵之設久矣。所以威不軌而昭文德也。聖人以興。亂人以廢。廢興。存亡。昏明之術。皆兵之由也。而子求去之。不亦誣乎。」『孟子』離婁上「三代之得天下也以仁。其失天下也以不仁。國之所以廢興存亡者亦然。天子不仁。不保四海。諸侯不仁。不保社稷。卿大夫不仁。不保宗廟。士庶人不仁。不保四體。」

(8) 皇道不融

不融〓『三國志』卷三十四「王后子傳」先主甘后「皇思夫人履行脩仁。淑慎其身。大行皇帝昔在上將。嬪妃作合。載育聖躬。大命不融。」

皇道〓班固「西都賦」主人曰「未也。願實摠懷舊之蓄念。發思古之幽情。博我以皇道。弘我以漢京。」

皇道〓融〓『後漢書』列傳五十下「蔡邕傳」皇道惟融。帝猷顯不。祗祗庶類。含甘吮滋。

(9) 帝典闕而未備王綱有所不張

王綱〓『三國志』卷三十三「後主傳」注引王隱「蜀記」(鄧)艾報書云。王綱失道。群英並起。龍戰虎爭。終歸眞主。此蓋天命去就之道也。

帝典〓王綱〓揚雄「劇秦美新」(『文選』卷四十八)「秦餘制度。項氏爵號。雖違古而猶襲之。是以帝典闕而不補。王綱弛而未張。」

(10) 有由來矣

由來〓『荀子』正論「殺人者死。傷人者刑。是百王之所同也。未有知其所由來者也。」

(11) 天命未壹

未壹〓『三國志』卷十九「曹植傳」注引孫盛說「且魏之代漢。非積德之由。風澤既微。六合未一。而彫翦枝幹。委權異族。勢同痼木。危若巢幕。不嗣忽諸。非天喪也。」

(12) 豪傑虎爭

豪傑〓『孟子』盡心上「待文王而後興者。凡民也。若夫豪傑之士。雖無文王猶興。」『史記』卷八十九「張耳陳餘列傳」「夫天下豪傑並起。能者先立。今王事高祖甚恭。而高祖無禮。請爲王殺之。」『史記』卷一百十三「南越列傳」「聞陳勝等作亂。秦爲無道。天下苦之。項羽。劉季。陳勝。吳廣等州郡各共興軍聚衆。虎爭天下。中國擾亂。未知所安。豪傑畔秦相立。」

虎爭〓『三國志』卷二十四「高柔傳」昔漢末陵遲。禮樂崩壞。雄戰虎爭。以戰陳爲務。遂使儒林之群。幽隱而不顯。同卷三十三「後主傳」于時乃考因群傑虎爭。九服不靜。乘閒阻遠。保據庸蜀。遂使西隅殊封。方外壅隔。同卷五十八「陸遜傳」方今天下雲擾。群雄虎爭。英豪踴躍。

張聲大視」。

(13) 三方分崩

分崩〓「上尊號碑」(本書、一)注(77)參照。注(1)『晉書』華譚傳、注(26)『魏略』序も參照。

(14) 櫛風沐雨

櫛風〓「莊子」天下：「腓無腓。脛無毛。沐甚雨。櫛疾風。」

櫛風沐雨〓「三國志」卷十四「董昭傳」注引『獻帝春秋』：「今曹公遭海內傾覆。宗廟焚滅。躬擐甲冑。周旋征伐。櫛風沐雨。且三十年。」注(13)

「上尊號碑」も參照。

(15) 經營寓內

經營〓「詩」小雅「北山」：「旅力方剛。經營四方。」

寓內〓「孔子廟碑」(本書、三)注(66)參照。

(16) 正朔未加于華陽

正朔〓「禮記」大傳：「改正朔。」

華陽〓「書」禹貢：「華陽。黑水爲梁州。」『晉書』卷三十一「后妃傳上・武元楊皇后」：「我應圖籙。統臨萬方。正位于內。實在嬪嬙。天作之合。

駿發之祥。河嶽降靈。啓祚華陽」。

(17) 王教不被於江表

江表〓「三國志」卷二「文帝紀」：「(黃初三年五月)以荆。揚。江表八郡爲荊州。」

(18) 西嶠拊扼

西嶠〓「晉書」卷六十六「陶侃傳」：「然其等區區。實恐理失於內。事敗於外。豪釐之差。將致千里。使荆蠻乖離。西嶠不守。臂亡齒寒。侵逼無限也。」

拊扼〓「漢成陽令唐扶頌」(『隸釋』卷五)：「除豫章鄖陽長。夷粵拊扼。伎強難化。」

(19) 楊越內侵

楊越〓「史記」卷一百十三「南越列傳」：「南越王尉佗者。眞定人也。姓趙氏。秦時已并天下。略定楊越。置桂林。南海。象郡。以謫徙民。與越雜處十三歲。」『晉書』卷八十三「江道傳」：「今者二虜未殄。神州荒蕪。舉江左之衆。經略艱難。漕楊越之粟。北餽河洛。兵不獲戢。運戍悠遠。倉庫內罄。百姓力竭。」

內侵〓「晉書」卷五十二「卻詵傳」：「加自頃戎狄內侵。災害屢作。邊氓流離。征夫苦役。豈政刑之謬。將有司非其任歟。」

(20) 戎車屢駕

戎車屢駕〓「谷朗碑」(本書、八)注(32)參照。

(21) 誕敷神武

誕敷〓「書」大禹謨：「帝乃誕敷文德。舞干羽于兩階。」注(22)『三國志』「三少帝紀」も參照。

神武〓『易』繫辭上：「古之聰明叡知。神武而不殺者夫。」

(22) 光被四海

光被四海〓「上尊號碑」(本書、一)注(92)參照。

(23) 流風邁化

流風邁化〓注(22)『三國志』「三少帝紀」參照。

流風〓『楚辭』九章「悲回風」：「凌大波而流風兮。託彭咸之所居。」

邁化〓『續漢書』志十「天文志」上：「三皇邁化。協神醇朴。謂五星如連珠。日月若合璧。」

(24) 惠懷黎元

黎元〓『漢書』卷八十五「谷永傳」：「使天下黎元咸安家樂業。」

(25) 治定之制

治定之制〓『禮記』樂記：「王者功成作樂。治定制禮。其功大者其樂備。其治辯者其禮具。」

(26) 儒道不得並時而施

儒道〓『三國志』卷十三「王朗傳」注引『魏略』序：「從初平之元。至建安之末。天下分崩。人懷苟且。綱紀既衰。儒道尤甚。」

並時〓『史記』卷一百十七「司馬相如列傳」：「謂且天爲質闇。珍符固不可辭。若然辭之。是泰山靡記而梁父靡幾也。亦各並時而榮。咸濟世而屈。」

說者尙何稱於後。而云七十二「君乎」。

(27) 方寇負固

負固〓『周禮』夏官「司馬」：「以九伐之法正邦國。……負固不服。則侵之。」『晉書』卷五十一「摯虞傳」：「我皇之登。二國既平。靡適不懷。以

育群生。吳乃負固。放命南冥。聲教未暨。弗及王靈。」

(28) 猶未帥職

帥職〓『左傳』襄公十四年：「有君不弔。有臣不敏。君不赦宥。臣亦不帥職。增淫發洩。其若之何。」『晉書』卷二十二「樂志」上：「天地弗違。以

和神人。既禽庸蜀。吳會是賓。肅慎率職。桔矢來陳。」

(29) 左提右挈

左提右挈〓『史記』卷八十九「張耳陳餘列傳」：「夫以一趙尙易燕。況以兩賢王左提右挈。而責殺王之罪。滅燕易矣。」

(30) 虔劉邊垂

虔劉邊垂〓『左傳』成公十三年：「利吾有狄難。入我河縣。焚我箕郛。芟夷我農功。虔劉我邊陲。」

(31) 振威域外

振威〓『史記』卷六「秦始皇本紀」：「今上出。不因此時案郡縣守尉有罪者誅之。上以振威天下。下以除去上生平所不可者。」

(32) 盪定梁益

盪定〓『三國志』卷一「武帝紀」注引『獻帝傳』：「暨至西征。陽平之役。親擐甲冑。深入險阻。芟夷蝥賊。殄其兇醜。盪定西陲。懸旌萬里。聲教

遠振。寧我區夏。同卷二十八「鄧艾傳」：「艾曜威奮武。深入虜庭。斬將率旗。梟其鯨鯢。使僭號之主。稽首係頸。歷世通誅。一朝而平。兵不踰時。戰不終日。雲徹席卷。蕩定巴蜀。」《晉書》卷二十一「禮志」下：「太祖文皇帝受命造晉。遷定蜀漢。」

(33) 眷東顧

眷東顧：『後漢書』列傳七十四「列女傳·董祀妻」：「嗟薄祜兮遭世患。宗族殄兮門戶單。身執略兮入西關。歷險阻兮之羌蠻。山谷眇兮路曼曼。眷東顧兮但悲歎。」

眷……顧：『詩』大雅「皇矣」：「乃眷西顧。此維與宅。」

東顧：『三國志』卷十九「陳思王傳」：「流聞東軍失備。師徒小岵。輟食棄餐。奮袂攘袂。撫劍東顧。而心已馳於吳會矣。」

(34) 文告江裔

文告：『三國志』卷四「三少帝紀」：「文告所加。承風嚮慕。遣使納獻。以明委順。方寶纖珍。歡以效意。」注(110)『三國志』「鍾會傳」也參照。
裔：『左傳』文公十八年：「流四凶族渾敦。窮奇。檮杌。饕餮。投諸四裔。」

(35) 爲百姓請命

請命：『書』湯誥：「以與爾有衆請命。」注(13)「上尊號碑」也參照。

爲百姓請命：『史記』卷九十二「淮陰侯列傳」：「因民之欲。西鄉爲百姓請命。」

(36) 南蠻順軌

順軌：『三國志』卷一「武帝紀」：「濟師洪河。拓定四州。袁譚。高幹。咸梟其首。海盜奔迸。黑山順軌。此又君之功也。」《晉書》卷三十八「齊王攸傳」：「今草創。制度初立。雖庸蜀順軌。吳猶未實。宜俟清泰。乃議復古之制。」

南：順軌：『三國志』卷四十八「孫皓傳」注引「漢晉春秋」：「舟師泛江。順流而下。陸軍南轅。取徑四郡。兼成都之械。漕巴漢之粟。然後以中軍整旅。三方雲會。未及浹辰。可使江表底平。南夏順軌。」

(37) 革面款附

革面：『易』革：「君子豹變。小人革面。」『三國志』卷一「武帝紀」：「君翼宣風化。爰發四方。遠人革面。華夏充實。是用錫君朱戶以居。」

款附：孫楚「爲石仲容與孫皓書」《文選》卷四十三：「收離聚散。咸安其居。民庶悅服。殊俗款附。」

(38) 九服混同

九服：『周禮』夏官·職方氏：「乃辨九服之邦國。方千里曰王畿。其外方五百里曰侯服。又其外方五百里曰甸服。又其外方五百里曰男服。又其外方五百里曰采服。又其外方五百里曰衛服。又其外方五百里曰蠻服。又其外方五百里曰夷服。又其外方五百里曰鎮服。又其外方五百里曰藩服。」
混同：『漢書』卷二十八「地理志」下：「此混同天下。壹之庠中和。然後王教成也。」

(39) 聲教無貳

聲教：注(54)『書』禹貢、注(32)『三國志』「武帝紀」、注(27)『晉書』「摯虞傳」參照。

(40) 彭濮肅慎

彭濮：『書』牧誓：「我友邦冢君。御事。司徒。司馬。司空。亞。旅。師氏。千夫長。百夫長。及庸。蜀。羌。獫狁。微。盧。彭。濮人。稱爾戈。」

比爾干。立爾矛。予其誓。

肅慎『國語』魯語下：「仲尼在陳。有隼集于陳侯之庭而死。楛矢貫之。石弩其長尺有咫……於是肅慎氏貢楛矢石弩。其長尺有咫。」「三國志」卷四「三少帝紀」：「遼東郡言肅慎國遣使重譯入貢。獻其國弓三十張。長三尺五寸。楛矢長一尺八寸。石弩三百枚。皮骨鐵雜鎧二十領。貂皮四百枚。同卷二十八「鍾會傳」：「今主上聖德欽明。紹隆前緒。宰輔忠肅明允。効勞王室。布政垂惠而萬邦協和。施德百蠻而肅慎致貢。」注（28）『晉書』「樂志」上も参照。

(41) 織皮下服之夷

織皮『書』禹貢：「梁州。……厥貢。……熊羆狐狸織皮。」「史記」卷二「夏本紀」：「華陽黑水惟梁州。……貢瑯。鐵。銀。鏤。弩。磬。熊羆。狐狸。織皮。集解：「孔安國曰。貢四獸之皮也。織皮。今麕也。同」夏本紀：「黑水西河惟雍州。……貢瑯。琳。琅玕。浮于積石。至于龍門西河。會于渭汭。織皮昆侖。析支。渠搜。西戎即序。集解：「孔安國曰。織皮。毛布。此四國在荒服之外。流沙之內。羌。髳之屬皆就次序。美禹之功及戎狄也。索隱：「鄭玄以爲衣皮之人居昆侖。析支。渠搜。三山皆在西戎。」

(42) 楛矢石弩齒革大龜之獻

楛矢注（40）『國語』魯語下、注（28）『晉書』「樂志」上を参照。
石弩注（40）『國語』魯語下を参照。

齒革『書』禹貢：「揚州。……厥貢惟金三品。瑤。琨。篠簜。齒。革。羽。毛。惟木。」

齒革大龜『書』禹貢：「荊州。……厥貢羽。毛。齒。革。……九江納錫大龜。」

(43) 和會王庭

和會『書』康誥：「周公初基。作新大邑於東國洛。四方民大和會。」
王庭『易』夬：「揚於王庭。孚號有厲。」

(44) 屈膝納贊

屈膝『史記』卷一百十七「司馬相如列傳」：「北征匈奴。單于怖駭。交臂受事。詘膝請和。」「三國志」卷一「武帝紀」：「劉表背誕。不供貢職。王師首路。威風先逝。百城八郡。交臂屈膝。此又君之功也。」

納贊『楚辭』九思「守志」：「謁玄黃兮納贊。崇忠貞兮彌堅。」「晉書」卷二十二「樂志」上：「禮樂具。宴嘉賓。眉壽祚聖皇。景福惟日新。群后戾止。有來雍雍。獻酬納贊。崇此禮容。」

(45) 戎夏既泰

戎夏『三國志』卷十一「田疇傳」注引『先賢行狀』：「蔣令田疇。至節高尚。遭值州里戎夏交亂。引身深山。研精味道。百姓從之。以成都邑。」
泰『易』泰：「小往大來。吉亨。彖曰。泰。小往大來吉亨。則是天地交而萬物通也。上下交而其志同也。內陽而外陰。內健而外順。內君子而外小人。君子道長。小人道消也。」

(46) 九域無事

九域『漢書』卷二十一「律曆志」下：「『祭典』曰。共工氏伯九域。」「三國志」卷三「明帝紀」注引『獻帝傳』：「歲在玄枵。皇師肇征。迄于

鵜尾。十有八載。群寇殲殄。九域咸乂。

無事。『禮記』聘義：「天下無事。則用之於禮義。天下有事。則用之於戰勝。」『三國志』卷二十八「鍾會傳」：「今邊境又清。方內無事。奮力待時。并兵一向。」

(47) 儒術久替

儒術。『史記』卷二十三「禮書」：「今上即位。招致儒術之士。令共定儀。」『三國志』卷二十四「高柔傳」：「然今博士皆經明行脩。一國清選。而使遷除限不過長。懼非所以崇顯儒術。帥勵怠惰也。」

(48) 古典未隆

古典。『漢書』卷九十九中「王莽傳」中：「漢氏諸侯或稱王。至于四夷亦如之。違於古典。繆於一統。」應璩「與王子雍書」(『北堂書鈔』卷九十九)：「足下著書不起草。占授數萬言。言不改定。事合古典。」

(49) 乃興道教

道教。『三國志』卷二十四「高柔傳」：「臣以爲博士者。道之淵藪。六藝所宗。宜隨學行優劣。待以不次之位。敦崇道教。以勸學者。於化爲弘。」注(1)『三國志』「陸遜傳」も参照。

(50) 以熙帝載

帝載。『受禪碑』(本書、二)注(118)参照。『晉書』卷二十一「樂志」上：「猗歟盛歟。先皇聖文。則天作字。大哉爲君。愼徽五典。帝載是勤。文武發揮。茂建嘉勳。」

(51) 廓開大學 廣延羣生

『晉書』卷八十二「虞溥傳」：「稍遷公車司馬令。除鄱陽內史。大修庠序。廣招學徒。」

(52) 天下鱗萃

鱗萃。『史記』卷一百十七「司馬相如列傳」：「珍怪鳥獸。萬端鱗萃。」『晉書』卷五十五「潘尼傳」：「恂恂孔聖。百王攸希。靈靈顏生。好學無違。曰皇儲后。體神合幾。兆吉先見。知來洞微。濟濟二宮。藹藹庶僚。俊乂鱗萃。髦士盈朝。」

(53) 遠方慕訓

遠方。『周禮』夏官・懷方氏：「掌來遠方之民。致方貢。致遠物。而送逆之。達之以節。」慕訓。『三國志』卷五十四「呂蒙傳」：「益州將襲肅舉軍來附。(周)瑜表以肅兵益蒙。蒙盛稱肅有膽用。且慕化遠來。於義宜益不宜奪也。」

(54) 東越于海 西及流沙

東：于海。西：流沙。『書』禹貢：「東漸于海。西被于流沙。朔南暨聲教。訖于四海。」『晉書』卷二十一「禮志」下：「今東漸于海。西被流沙。大漠之陰。日南北戶。莫不通屬。」

(55) 聖上踐祚

聖上。『班固「東都賦」(『文選』卷一)：「於是聖上觀萬方之歡娛。又沐浴於膏澤。」踐祚。『禪國山碑』(本書、一〇)注(36)参照。『晉書』卷二十一「禮志」下：「至于陛下。受命踐阼。弘建大業。群生仰流。」

(56) 崇光前軌

前軌〃『三國志』卷六「袁紹傳」注引『魏氏春秋』：「今二君初承洪業。纂繼前軌。進有國家傾危之慮。退有先公遺恨之負。」
崇：軌〃桓溫「薦譙元彥表」(『文選』卷三十八)：「是故上代之君。莫不崇重斯軌。」

(57) 闡五帝之絕業

絕業〃『史記』卷一百十七「司馬相如列傳」：「反袁世之陵遲。繼周氏之絕業。斯乃天子之急務也。」『漢書』卷六十二「司馬遷傳」：「惟漢繼五帝末流。接三代絕業。」

闡……業〃『三國志』卷二十四「高柔傳」：「高祖即位。遂闡其業。興復辟雍。州立課試。」

(58) 邁三代之弘風

弘風〃『晉書』卷五十五「夏侯湛傳」：「夫道學之貴游。閭閻之潛紳。皆高門之子。世臣之胤。弘風長響。推成而進。悠悠者皆天下之彥也。」

邁三代之……風〃王融「三月三日曲水詩序」(『文選』卷四十六)：「皇帝體膺上聖。運鍾下武。冠五行之秀氣。邁三代之英風。」

(59) 敦禮明化

敦禮〃『後漢書』列傳三十三「朱穆傳」：「宜爲皇帝選置師傅及侍講者。得小心忠篤敦禮之士。將軍與之俱入。參勸講授。師賢法古。此猶倚南山坐平原也。誰能傾之。」『晉書』卷五十「庾純傳」：「伏惟陛下聖德欽明。敦禮崇教。疇諮四嶽。以詳典制。」

(60) 以庠序爲先

庠序〃『禮記』學記：「古之教者。家有塾。黨有庠。國有學。」『孟子』滕文公上：「設爲庠序學校以教之。庠者養也。校者教也。序者射也。夏曰校。殷曰序。周曰庠。學則三代共之。皆所以明人倫也。」

(61) 遣相國長史東萊侯史光。主簿東萊劉毅

侯史光〃『晉書』卷四十五「侯史光傳」：「侯史光字孝明。東萊掖人也。幼有才悟。受學於同縣劉夏。舉孝廉。州辟別駕。咸熙初。爲洛陽典農中郎將。封關中侯。」

劉毅〃『晉書』卷四十五「劉毅傳」：「劉毅字仲雄。東萊掖人。漢城陽景王章之後。父喈。丞相屬。……太常鄭袤舉博士。文帝辟爲相國掾。辭疾。積年不就。時人謂毅忠於魏氏。而帝怒其顧望。將加重辟。毅懼。應命。轉主簿。」

(62) 諮詢讜言

諮詢〃『楚辭』九思「疾世」：「紛載驅兮高馳。將諮詢兮皇義。」『三國志』卷六十二「是儀傳」：「太子敬之。事先諮詢。然後施行。」
讜言〃『漢書』卷一百上「敘傳」上：「上乃喟然歎曰。吾久不見班生。今日復聞讜言。」

(63) 興行古禮

古禮〃『史記』卷九十九「叔孫通傳」：「臣願頗采古禮與秦儀雜就之。」

(64) 太常樂安亭侯琅邪諸葛緒。博士祭酒騎都尉濟南劉熹。博士京兆段溥

諸葛緒〃王隱『晉書』：「(諸葛)左字茂遠。琅邪人。魏雍州刺史緒之子」(『世說新語』文學注引)。『晉書』卷三十一「后妃傳上·文明王皇后」：「武帝受禪。尊爲皇太后。宮曰崇化。初置宮卿。重選其職。以太常諸葛緒爲衛尉。太僕劉原爲太僕。宗正曹楷爲少府。」

劉焯：『晉書』卷三十七「宗室傳·司馬睦」：「博士祭酒劉焯等議。『禮記』王制。諸侯五廟。二昭二穆。與太祖而五。『宋書』卷六十一「荀伯子傳」：「又泰始三年。太常博士劉焯等議。稱衛公署於大晉在三恪之數。應降稱侯。『水經注』卷二十八「河水」：「又南。過穀城東。又南。過陰縣之西。」注「縣令濟南劉焯字德怡。魏時宰縣。雅好博古教學立碑。載生徒百有餘人。不終業而天者。因葬其地。號曰生墳。『集古錄』卷四「魏劉焯學生碑」：「右魏劉焯學生冢碑。在襄州穀城縣界中。……今碑雖殘缺。而焯與生徒名字。往往尚可見。『隸續』卷十五「漢公乘校官掾王幽題名」按語：「漢人作隸好假借。或是借熹作喜。作焯。」

(65) 考合儀制

考合：『新論』（『藝文類聚』卷十二）：「漢武帝材質高妙。有崇先廣統之規。故即位而開發大志。考合古今。模範前聖故事。建正朔。定制度。招選俊傑。奮揚威怒。武義四加。所征者服。興起八藝。廣進儒術。自開闢以來。唯漢家最為盛焉。」

儀制：『漢書』卷二十五下「郊祀志」下：「漢興之初。儀制未及定。即且因秦故祠。復立北時。」

(66) 述造絃歌

述造：魏文帝「與吳質書」（『文選』卷四十二）：「頃何以自娛。頗復有所述造不。」

絃歌：『禮記』樂記：「正六律。和五聲。絃歌詩頌。『論語』陽貨：「子之武城。聞弦歌之聲。夫子莞爾而笑曰。割雞焉用牛刀。『莊子』秋水：「孔子遊於匡。宋人圍之數匝。而絃歌不輟。」

(67) 泰始三年十月始行鄉飲酒鄉射禮馬鄭主三家之義並時而施

鄉飲酒：傳玄「辟雍鄉飲酒賦」（『藝文類聚』卷三十八）：「時皇帝親枉萬乘之尊號。以辛平辟雍。鹵簿齊列。官正其容。乃延卿士。乃命王公。定小會之常儀兮。饗殊俗而見遠邦。揖讓而升。有主有賓。禮雖舊制。其教惟新。若其俎豆有數。威儀翼翼。實主百拜。貴賤脩敕。」

馬鄭主：『初學記』卷二十一「禮經則周禮也。威儀則儀禮也。」注：「儀禮。周衰。當戰國之世。其書並亡。至漢高堂生所傳十七篇。惟士禮存焉。後世推士禮以致天子之禮而行之。至馬融。鄭玄。王肅。並為之注解。」

(68) 疊樽列於公堂俎豆陳于庭階

疊樽：『禮記』禮器：「天道至教。聖人至德。廟堂之上。疊尊在阼。犧尊在西。」

公堂：『詩』豳風「七月」：「十月漚場。朋酒斯饗。日殺羔羊。躋彼公堂。稱彼兕觥。萬壽無疆。」

俎豆：『孔子廟碑』（本書、三）注（44）參照。注（67）傳玄「辟雍鄉飲酒賦」也參照。

(69) 鄉縣之樂設百拜之儀陳

百拜：『禮記』樂記：「獻獻之禮。實主百拜。」注：「百拜以喻多。」

鄉……樂：『儀禮』燕禮：「遂歌鄉樂。周南。關雎。葛覃。卷耳。召南。鵲巢。采芣。采蘋。」注：「夫婦之道者。生民之本。王政之端。此六篇者。其教之原也。……鄉樂者。風也。小雅為諸侯之樂。大雅頌為天子之樂。」

(70) 縉紳之士

縉紳：『谷朗碑』（本書、八）注（64）參照。『荀子』禮論：「縉紳而無鉤帶矣。『三國志』卷二「文帝紀」：「百官有司。其務以職盡規諫。將率陳軍法。朝士明制度。牧守申政事。縉紳考六藝。吾將兼覽焉。」

(71) 揖讓之節金石之音

揖讓『荀子』樂論：「故樂者。出所以征誅。入所以揖讓也」。

金石『禮記』樂記：「金石絲竹。樂之器也」。

(72) 六年正月 烹 溲等又奏行大射禮

大射禮『晉書』卷七十五「荀崧傳」：「世祖武皇帝應運登禪。崇儒興學。經始明堂。營建辟雍。告朔班政。鄉飲大射」。

(73) 抗大侯設泮縣

大侯『詩』小雅「賓之初筵」：「大侯既抗。弓矢斯張。傳：「大侯。君侯也。抗。舉也。有燕射之禮。箋：「學者。舉鵠而棲之於侯也。……天子諸侯之射。皆張三侯。故君侯謂之大侯。大侯張而弓矢亦張節也。將祭而射。謂之大射」。

泮『孔子廟碑』(本書、三)注(68)參照。注(1)『禮記』王制も參照。

(74) 用肆夏歌騶虞

肆夏『左傳』襄公四年：「穆叔如晉。報知武子之聘也。晉侯享之。金奏肆夏之三。不拜。『南齊書』卷十一「樂志」：「晉泰始中。傅玄造廟夕牲昭夏歌一篇。迎送神肆夏歌詩一篇。登歌七廟七篇」。

騶虞『詩』召南「騶虞」小序：「騶虞。鵠巢之應也。鵠巢之化行。人倫既正。朝廷既治。天下純被文王之化。則庶類蕃殖。蒐田以時。仁如騶虞。則王道成也。『墨子』三辯：「周成王因先王之樂。又自作樂。命曰騶虞」。

(75) 邦君之制

邦君『書』伊訓：「惟茲三風十愆。卿士有一于身。家必喪。邦君有一于身。國必亡」。

(76) 其年十月行鄉飲酒禮皇帝躬臨幸之

『晉書』卷三「武帝紀」：「(泰始六年)冬十一月。幸辟雍。行鄉飲酒之禮。賜太常博士。學生帛牛酒各有差。『晉書』卷二十一「禮志」下：「武帝泰始六年十二月。帝臨辟雍。行鄉飲酒之禮。詔曰。禮儀之廢久矣。乃今復講肄舊典。賜太常絹百匹。丞。博士及學生牛酒。咸寧三年。惠帝元康九年。復行其禮。『宋書』「禮志」一も同じ。注(1)『晉書』「儒林傳」も參照。

(77) 正法服負黼屨

法服『孝經』卿大夫：「非先王之法服不敢服」。

黼屨『書』顧命：「狄設黼屨綴衣。傳：「狄。下士。屨。屏風。畫爲斧文。置戶牖間。『周禮』春官・司几筵：「凡大朝覲。大饗射。凡封國命諸侯。王位設黼依」。

負黼屨『禮記』明堂位：「昔者周公朝諸侯于明堂之位。天子負斧依南鄉而立」。

(78) 王公卿士博士助教治禮掌故弟子門人

博士『晉書』卷二十四「職官志」：「晉初承魏制。置博士十九人。及咸寧四年。武帝初立國子學。定置國子祭酒。博士各一人。助教十五人。以教生徒。博士皆取履行清淳。通明典義者。若散騎常侍。中書侍郎。太子中庶子以上。乃得召試」。

治禮『禮記』哀公問：「古之爲政。愛人爲大。所以治愛人。禮爲大。所以治禮。敬爲大。敬之至矣。大昏爲大」。

掌故。『史記』卷一百一「晁錯列傳」：「以文學爲太常掌故。」集解：「應劭曰。掌故。百石吏。主故事。」索隱：「服虔云。百石卒吏。『漢舊儀』云。太常博士弟子試射策。中甲科補郎。中乙科補掌故也。」

(79) 莫不被文相德

被文相德。『國語』周語下：「天六地五。數之常也。經之以天。緯之以地。經緯不爽。文之象也。文王質文。故天祚之以天下。夫子被之矣。其昭穆又近。可以得國。……守終純固。道正事信。明令德矣。愼成端正。德之相也。爲晉休戚。不背本也。被文相德。非國何取。」注：「相。助也。」

(80) 祇服憲度

憲度。『司馬相如「封禪文」』(『史記』卷一百十七「司馬相如列傳」)：「故軌迹夷易。易遵也。湛恩濫涌。易豐也。憲度著明。易則也。垂統理順。易繼也。」

(81) 穆穆焉濟濟焉槍槍焉

穆穆。『受禪碑』(本書二)注(三)參照。

濟濟。『詩』小雅「楚茨」：「濟濟跄跄。絜爾牛羊。以往烝嘗。」

槍槍。『禮記』曲禮下：「天子穆穆。諸侯皐皐。大夫濟濟。士跄跄。庶人僬僬。」

(82) 遵修舊典

舊典。『漢書』卷二十一上「律曆志」上：「今廣延羣儒。博謀講道。修明舊典。同律。審度。嘉量。平衡。鈞權。正準。直繩。立于五則。備數和聲。以利兆民。貞天下於一。同海內之歸。」

(83) 班饗大燕

班饗。『魏書』卷一百「契丹傳」：「顯祖時。使莫弗紇何辰奉獻。得班饗於諸國之末。」

大燕。『三國志』卷十「荀彧傳」注引「文士傳」：「太祖聞其名。圖欲辱之。乃錄爲鼓史。後至八月朝。大宴。賓客並會。」

(84) 束帛幘巾

束帛。『易』賁：「六五。賁于丘園。束帛戔戔。吝。終吉。」[劉熊碑殘石]([漢代石刻集成]一四〇)：「束帛戔戔。」

(85) 莫不景慕

莫不景慕。『晉書』卷四十三「王衍傳」：「累居顯職。後進之士。莫不景慕放效。」

(86) 方國貢使

方國。『宋書』卷九十七「夷蠻傳·師子國」：「四海之外。無往不服。方國諸王。莫不遣信奉獻。以表歸德之義。」

(87) 款塞入獻之戎

款塞。『史記』卷一百三十「太史公自序」：「海外殊俗。重譯款塞。請來獻見者。不可勝道。」集解：「應劭曰。款。叩也。皆叩塞門來服從也。如淳曰。款。寬也。請除守塞者。自保不爲寇害。」

(88) 倍于海外者

倍。『穆天子傳』卷六「喪主即位。周室父兄子孫倍位」。郭璞注：「倍。倍列位也。」洪頤煊校：「倍。古陪字。」

(89) 耆老嘯歎於邑里

耆老『禮記』王制：「司徒修六禮以節民性。明七教以興民德。齊八政以防淫。一道德以同俗。養耆老以致孝。恤孤獨以逮不足。上賢以崇德。簡不肖以紕惡。」

邑里『墨子』尚賢中：「凡所使治國家。官府。邑里。此皆國之賢者也。」

(90) 士女抃舞於郊畛

士女『書』武成：「肆予東征。綏厥士女。惟其士女。篚厥玄黃。昭我周王。」

抃舞『三國志』卷二「文帝紀」注引『獻帝傳』：「能言之倫。莫不抃舞。河圖。洛書。天命瑞應。人事協于天時。民言協于天敘。」

郊畛『張衡』東京賦『文選』卷三：「殿未出乎城闕。施已反乎郊畛。」

(91) 歌詠升平之謠

歌詠『詩』魏風「園有桃」：「心之憂矣。我歌且謠。傳：『曲合樂曰歌。徒歌曰謠。』」西狹頌摩崖『漢代石刻集成』一〇一：「三國清平。詠歌懿德。」

升平『漢書』卷六十七「梅福傳」：「使孝武皇帝聽用其計。升平可致。『風俗通』正失：『世俗多傳道文帝常居明光宮聽政。治天下。致升平。斷獄三百人。』」

(92) 咨嗟大同之慶

咨嗟『楚辭』天問：「何親揆發。定周之命以咨嗟。王逸注：『咨嗟。歎而美之。』」後漢書列傳五十四「延篤傳」：「又徙京兆尹。……郡中歡愛。三輔咨嗟焉。」

大同『書』洪範：「汝則有大疑。謀及乃心。謀及卿士。謀及庶人。謀及卜筮。汝則從。龜從。筮從。卿士從。庶民從。是之謂大同。『禮記』禮運：『大道之行也。天下爲公。選賢與能。講信脩睦。故人不獨親其親。不獨子其子。……是謂大同。』」晉書卷四十六「劉頌傳」：「可謂功格天地。土廣三王。舟車所至。人迹所及。皆爲臣妾。四海大同。始於今日。」

(93) 布濩流衍

布濩『司馬相如』上林賦『文選』卷八：「布濩閭澤。延蔓太原。注：『郭璞曰。布濩。布露也。』」史記卷一百一十七「司馬相如列傳」：「非唯雨之。又潤澤之。非唯濡之。汜專濩之。集解：『徐廣曰。古布字作專。』」

(94) 充塞四嶠

充塞『漢書』卷二十七上「五行志」上：「是時太后三弟相續秉政。舉宗居位。充塞朝廷。『晉書』卷三十「刑法志」：『方今聖德充塞。假於上下。宜因此時。隆先聖之務。蕩滌煩苛。輕薄筆楚。以濟群生。廣至德也。』」

(95) 飛英騰騰茂實

飛英聲騰茂實『史記』卷一百一十七「司馬相如列傳」：「將襲舊八爲七。擿之無窮。俾萬世得激清流。揚微波。蜚英聲。騰茂實」索隱「胡廣曰。飛揚英華之聲。騰馳茂盛之實。」

(96) 飛英聲騰茂實

飛英聲騰茂實『史記』卷一百一十七「司馬相如列傳」：「將襲舊八爲七。擿之無窮。俾萬世得激清流。揚微波。蜚英聲。騰茂實」索隱「胡廣曰。飛揚英華之聲。騰馳茂盛之實。」

(96) 盈天地而冒六合

六合〓『莊子』齊物論…「六合之外。聖人存而不論。六合之內。聖人論而不議。『易』乾・文言傳…「夫大人者。與天地合其德。與日月合其明。與四時合其序。與鬼神合其吉凶」。

(97) 咸寧三年太常修陽子平原劉寔命博士京兆段暢漁陽崔豹講肆大禮

この一件は注(76)『晉書』禮志下に見える。

劉寔〓『晉書』卷四十一「劉寔傳」…「劉寔字子真。平原高唐人也。……後歷吏部郎。參文帝相國軍事。封循陽子。劉寔は碑陰に見える。

段暢〓『晉書』卷二十「禮志」中…「于時外內卒聞(杜)預異議。多怪之。或者乃謂其違禮以合時。時預亦不自解說。退使博士段暢博採典籍。爲之證據。令大義著明。足以垂示將來。段暢は碑陰に見える。

崔豹〓『世說新語』言語注引「晉百官名」…「崔豹字正熊。燕國人。惠帝時。官至太傅丞。崔豹は碑陰に見える。

(98) 聖德光茂

聖德〓『史記』卷一「五帝本紀」…「昌意娶蜀山氏女。曰昌僕。生高陽。高陽有聖惠焉。『後漢書』列傳五十三「李固傳」…「是以巖穴幽人。智術之士。彈冠振衣。樂欲爲用。四海欣然。歸服聖德」。

聖德光茂〓『晉書』卷八十九「王豹傳」…「明公興義討逆。功蓋天下。聖德光茂。名震當世」。

(99) 敦悅墳素

敦悅〓『後漢書』列傳二十六「鄭興傳」…「竊見河南鄭興執義堅固。敦悅詩書。好古博物」。

墳素〓『王基碑』(本書、七)注(52)參照。

(100) 斟酌道德之原

斟酌〓『國語』周語…「而後王斟酌焉。是以事行而不悖。『三國志』卷三十二「先主傳」…「既宗室微弱。帝族無位。斟酌古式。依假權宜。上臣大司馬漢中王。『甘陵相博殘碑』(『漢代石刻集成』一四一)…「斟酌仁義。下不失望」。

(101) 探賾仁義之藪

探賾〓『范式碑』(本書、五)注(15)參照。

(102) 遊心遠覽

遊心〓『莊子』德充符…「夫若然者。且不知耳目之所宜。而遊心乎德之和。傳玄「舞賦」(『文選』卷十七)…「於是躡節鼓陳。舒意自廣。遊心無垠。遠思長想」。

遠覽〓『漢書』卷三十六「劉向傳」…「此聖帝明王賢君智士遠覽獨慮無窮之計也」。

(103) 研精好古

研精〓孔安國「尚書序」…「承詔爲五十九篇作傳。於是遂研精覃思。博考經籍。採摭群言。以立訓傳。『後漢書』列傳二十五「曹褒傳」…「常感朝廷制度未備。慕叔孫通爲漢禮儀。晝夜研精。沈吟專思。寢則懷抱筆札。行則誦習文書。當其念至。忘所之適」。

好古〓『論語』述而…「我非生而知之者。好古。敏以求之者也」。

(104) 務崇國典

務崇〓『三國志』卷五十三「張紘傳」：「今麾下值四百之厄。有扶危之功。宜且隱息師徒。廣開播殖。任賢使能。務崇寬惠。順天命以行誅。可不勞而定也。」

國典〓「王基碑」(本書、七)注(17)參照。

(105) 以協時雍

時雍〓『書』堯典：「百姓昭明。協和萬邦。黎民於變時雍。」傳：「時。是。雍。和也。言天下衆民。皆變化從上。是以風俗大和。」「張平子碑」(『隸釋』卷十九)：「出相河間。則黎民時雍。」「孔宙碑」(『漢代石刻集成』八五)：「於元時雍。撫茲岱方。」

(106)

大保侍中大尉魯公充 大傳侍中司空齊王攸 詹事給事中光祿大夫關內侯瑛

大保侍中大尉魯公充〓『晉書』卷三「武帝紀」：「(咸寧二年八月)己亥。以太保何曾爲太傅。太尉陳騫爲大司馬。司空賈充爲太尉。鎮軍將軍齊王攸爲司空。同卷四十「賈充傳」：「尋轉太尉。行太子太保。錄尚書事。同卷二十四「職官志」：「太子太傅。少傅。皆古官也。泰始三年。武帝始建官。尚未置詹事官。……咸寧元年。以給事黃門侍郎楊珧爲詹事。掌宮事。……及楊珧爲衛將軍。領少傅。省詹事。遂崇廣傳訓。命太尉賈充領太保。司空齊王攸領太傅。」

大傳侍中司空齊王攸〓『晉書』卷三十八「司馬攸傳」：「行太子少傅。數年。授太子太傅。……咸寧二年。代賈充爲司空。侍中太傅如故。」

詹事給事中光祿大夫關內侯瑛〓『晉書』卷四十「楊珧傳」：「歷位尚書令。衛將軍。同卷二十四「職官志」：「泰始中。唯太子詹事楊珧加給事中。光祿大夫。」

(107) 降儲尊之貴

儲〓『漢書』卷七十一「疏廣傳」：「太子。國儲副君。師友必於天下英俊。」

降〓尊〓張衡「東京賦」(『文選』卷三)：「降至尊以訓恭。」

(108) 敦齒讓之制

齒讓〓『禮記』文王世子：「故世子齒於學。國人觀之。曰。將君我而與我齒讓。何也。」

(109) 壽咨軌憲

壽咨〓『書』堯典：「帝曰。疇咨若時登庸。」傳「疇。誰」。『漢書』卷六「武帝紀」贊：「孝武初立。……遂疇咨海內。舉其俊茂。與之立功。」注：「疇。誰也。咨。謀也。言謀於衆人。誰可爲事者也。」「孔子廟碑」(本書、三)注(83)參照。注(59)『晉書』「庾純傳」も參照。

軌憲〓『晉書』卷八十二「孫盛傳」：「時盛年老還家。性方嚴有軌憲。雖子孫班白。而庭訓愈峻。」

(110) 敷納話言

敷納〓『書』益稷：「敷納以言。明庶以功。車服以庸。」

話言〓『詩』大雅「抑」：「其維哲人。告之話言。順德之行。」傳「話言。古之善言也。」『三國志』卷二十八「鍾會傳」：「今鎮西奉辭銜命。攝統戎重。庶弘文告之訓。以濟元元之命。非欲窮武極戰。以快一朝之政。故略陳安危之要。其敬聽話言。」

(111) 堂列不臣之客

不臣。『禮記』學記：「是故君之所不臣於其臣者一。當其爲尸。則弗臣也。當其爲師。則弗臣也。『漢書』卷七十八「蕭望之傳」：「宜待以不臣之禮。位在諸侯王上。」「三國志」卷四「三少帝紀·陳留王奐」：「聖朝誠宜崇以非常之制。奉以不臣之禮。」

(112) 庭延布衣之賓

布衣。『荀子』大略：「古之賢人。賤爲布衣。貧爲匹夫。」

(113) 緝柔學徒

緝柔。『詩』大雅「抑」：「視爾友君子。輯柔爾顏。不遐有愆。傳：「輯。和也。」

學徒。『蔡邕』「司空楊秉碑」(『蔡中郎集』三)：「於是門人學徒。相與刊石碑。表勒鴻勳。」

(114) 接引衆心

接引。『宋書』卷六十二「張敷傳」：「少有盛名。高祖見而愛之。以爲世子中軍參軍。數見接引。」

(115) 溫溫其仁 翼翼其恭

溫溫。『詩』小雅「賓之初筵」：「賓之初筵。溫溫其恭。箋：「溫溫。柔和也。」

翼翼。『詩』小雅「大明」：「維此文王。小心翼翼。昭事上帝。聿懷多福。箋：「小心翼翼。恭慎貌。」「詩』大雅「烝民」：「仲山甫之德。柔嘉維則。令儀令色。小心翼翼。」

(116) 洪烈之美

洪烈。『漢書』卷一百上「敘傳」上：「秦人是滅。漢修其缺。劉向司籍。九流以別。爰著目錄。略序洪烈。述藝文志第十。注：「洪。大也。烈。業也。同卷八十四「翟方進傳」：「此乃皇天上帝所以安我帝室。俾我成就洪烈也。」「晉書」卷二十三「樂志」下：「威光大。上參天與地。至化無內外。無內外。六合並康乂。並康乂。遺茲嘉會。在昔羲農。大晉德斯邁。鎮征及諸州。爲藩衛。功濟四海。洪烈流萬世。同「樂志」下：「我皇紱群才。洪烈何巍巍。」「鮮于璜碑」(『漢代石刻集成』八八)：「彰洪烈。纂乃祖。」

(117) 規模之格

規模。『張衡』「東京賦」(『文選』卷三)：「是以西匠營宮。目翫阿房。規模踰溢。不度不臧。」「晉書」卷六「明帝紀」：「雖享國日淺。而規模弘遠矣。」

(118) 髦士駿奔

髦士。『范曄』(『本書』五)注(62)參照。

駿奔。『後漢書』本紀三「章帝紀」：「駿奔郊時。咸來助祭。」

(119) 華夏嚮臻

華夏。『書』武成：「華夏蠻貊。罔不率俾。」「三國志」卷一「武帝紀」：「君翼宣風化。爰發四方。遠人革面。華夏充實。是用錫君朱戶以居。」「鄭固碑」(『漢代石刻集成』七七)：「貢計王庭。華夏歸服。」「郭泰碑」(同九七)：「周流華夏。隨集帝學。」「魯峻碑」(同一〇八)：「華夏祗肅。佞穢者遠。」

(120) 緝熙聖緒光融至化

緝熙。『孔子廟碑』(『本書』三)注(10)參照。

聖緒』「孔子廟碑」(本書、三)注(10)参照。

光融』「史記」卷四十「楚世家」：「高陽生稱。稱生卷章。卷章生重黎。重黎爲帝嚳高辛居火正。甚有功。能光融天下。帝嚳命曰祝融。」潘尼「贈陸機出爲吳王郎中令」(『文選』卷二十四)「玉以瑜潤。隨以光融。乃漸上京。乃儀儲宮」。

至化』「後漢書」列傳三十九「仲長統傳」：「今欲張太平之紀綱。立至化之基址。」注(4)「殊風至化」、注(116)「晉書」「樂志」下も参照。

(121) 儀形萬國作孚四方

儀形』「詩」大雅「文王」：「儀刑文王。萬邦作孚。」『漢書』卷九十九上「王莽傳」上：「唯陛下深惟祖宗之重。敬畏上天之戒。儀形虞周之盛。救盡伯禽之賜。無遘周公之報。令天法有設。後世有祖。天下幸甚。」左思「魏都賦」(『文選』卷二)：「儀形宇宙。歷像賢聖。」作孚』上引「詩」大雅「文王」。注(50)「晉書」「樂志」上も参照。

(122) 盛德大業

盛德大業』「易」繫辭上：「盛德大業。至矣哉。富有之謂大業。日新之謂盛德」。

盛德』注(1)「盛德隆熙之頌」参照。

(123) 沐浴純澤

沐浴』注(55)班固「東都賦」参照。

(124) 承風感化

承風』「史記」卷六「秦始皇本紀」：「大治濯俗。天下承風。蒙被休經。」注(34)「三國志」「三少帝紀」も参照。

感化』「詩」大雅「文王有聲」：「鎬京辟廱。自西自東。自南自北。無思不服。」箋「自由也。武王於鎬京行辟廱之禮。自四方來觀者。皆感化其德。心無不歸服者」。嵇康「琴賦」(『文選』卷十八)：「稱其材幹。則以危苦爲上。賦其聲音。則以悲哀爲主。美其感化。則以垂涕爲貴」。

(125) 伏膺詠歎

伏膺』潘岳「爲諸婦祭庾新婦文」(『藝文類聚』卷三十八)：「髣髴未行。顧瞻弗獲。伏膺飲淚。感今懷昔。懷昔伊何。祁祁娣姒。感今伊何。冥冥吾子」。

詠歎』王褒「四子講德論」(『文選』卷五十一)：「於是相與結侶。携手俱遊。求賢索友。歷于西州。有一人焉。乘輅而歌。倚輓而聽之。詠歎中雅。轉運中律。曄曄舒繹。曲折不失節」。

(126) 不知手之舞之

不知手之舞之』「詩」大序：「情動於中而形於言。言之不足故嗟歎之。嗟歎之不足故永歌之。永歌之不足。不知手之舞之。足之蹈之也。」「禮記」樂記もほぼ同じ。

(127) 則天之象

則天』「論語」泰伯：「大哉。堯之爲君也。巍巍乎。唯天爲大。唯堯則之。蕩蕩乎。民無能名焉。」「後漢書」列傳七十三「逸民傳」序：「是以堯稱則天。不屈潁陽之高。」注(50)「晉書」「樂志」上参照。

(128) 成厚載之功

(129) 厚載。『易』坤：「象曰。至哉坤元。萬物資生。乃順承天。坤厚載物。德合無疆。含弘光大。品物咸亨。」

不朽之業
不朽。『左傳』襄公二十四年：「春。穆叔如晉。范宣子逆之問焉曰。古人有言曰。死而不朽。何謂也。穆叔未對。……魯有先大夫曰臧文仲。既沒。其言立。其是之謂乎。豹聞之。大上有立德。其次有立功。其次有立言。雖久不廢。此之謂不朽。若夫保姓受氏。以守宗祏。世不絕祀。無國無之。祿之大者。不可謂不朽。」

(130) 順應交泰

順應。『易』臨：「象曰。臨。剛浸而長。說而順。剛中而應。大亨以正。天之道也。」注(170)『易』革も参照。
交泰。『易』泰：「天地交。泰。」注：「泰者。物大通之時也。『潛夫論』班祿：「是以天地交泰。陰陽和平。」

(131) 開物興務

開物。『易』繫辭上：「夫『易』。開物成務。冒天下之道。如斯而已者也。」

(132) 前聖之所歸美

歸美。『詩』小雅「天保」序：「天保。下報上也。君能下下以成其政。臣能歸美以報其上焉。」

(133) 永守鴻名。常爲稱首

永：鴻名。『史記』卷一百十七「司馬相如列傳」：「前聖之所以永保鴻名。而常爲稱首者用此。宜命掌故悉奏其義而覽焉。」

(134) 品物咸亨

品物咸亨。注(128)『易』坤を参照。

(135) 以廣被爲貴

廣被。『漢書』卷二十二「禮樂志」二：「河閒區區。小國藩臣。以好學修古。能有所存。民到于今稱之。況於聖主廣被之資。修起舊文。放鄭近雅。述而不作。信而好古。於以風示海內。揚名後世。誠非小功小美也。」陸機「謝平原內史表」(『文選』卷三十七)：「臣本吳人。出自敵國。世無先臣宣力之效。才非丘園耿介之秀。皇澤廣被。惠濟無遠。擢目群萃。累蒙榮進。」

(136) 天下化成

天下化成。『易』賁：「象曰。賁亨。柔來而文剛。故亨。分剛上而文柔。故小利有攸往。天文也。文明以止。人文也。觀乎天文。以察時變。觀乎人文。以化成天下。」

(137) 以同風爲大

同風。『三國志』卷二十五「高堂隆傳」：「夫移風易俗。宣明道化。使四表同風。回首面內。德教光照。九服慕義。固非俗吏之所能也。」

(138) 變通之符典模之則

變通。『易』繫辭上：「是故法象莫大乎天地。變通莫大乎四時。」

典模。『范式碑』(本書、五)注(43)参照。

(139) 順天承運

順天〓『易』大有：「象曰。火在天上。大有。君子以遏惡揚善。順天休命。」注(170)『易』革も参照。
順：承〓『史記』卷二十六「曆書」：「王者易姓受命。必慎始初。改正朔。易服色。推本天元。順承厥意。」

(140) 肇造區域

肇造〓「孔子廟碑」(本書、三)注(72)参照。

造區：〓劉琨「勸進表」(『文選』卷三十七)：「伏惟高祖宣皇帝肇基景命。世祖武皇帝遂造區夏。」

區域〓「孔子廟碑」(本書、三)注(101)参照。

(141) 建皇極之中恢配天之範

皇極〓『書』洪範：「五。皇極。皇建其有極。」

皇極之中〓『晉書』卷三「武帝紀」：「地平天成。萬邦以乂。應受上帝之命。協皇極之中。」

配天〓『書』君奭：「故殷禮陟配天。多歷年所。」潘岳「世祖武皇帝誄」(『藝文類聚』卷十三)：「粵若稽古帝皇。誕受休命。作我晉室。赫赫文皇。

配天並日。大行龍飛。創制改物。」

(142) 韜威邁德

邁德〓「上尊號碑」(本書、一)注(91)参照。『晉書』卷二十一「樂志」上：「於赫大晉。應天景祥。二帝邁德。宣此重光。我皇受命。奄有萬方。郊祀配享。禮樂孔章。神祇嘉享。祖考是皇。克昌厥後。保祚無疆。」

(143) 樹之風聲

樹之風聲〓『左傳』文公六年：「古之王者。知命之不长。是以並建聖哲。樹之風聲。分之采物。著之話言。爲之律度。陳之藝極。引之表儀。予之法制。告之訓典。教之防利。委之常秩。道之以禮。」『後漢書』列傳五十六「陳蕃傳」論：「桓。靈之世。若陳蕃之徒。咸能樹立風聲。抗論愷俗。」

(144) 闡化本垂道綱

化本〓『宋書』卷八十二「沈懷文傳」：「苟民心所安。天亦從之。未必改今追古。乃致平壹。神州舊壤。歷代相承。異於邊州。或罷或置。既物情不說。容虧化本。」

道綱〓『漢書』卷一百下「敘傳」下：「凡漢書。敘帝皇。列官司。建侯王。準天地。統陰陽。闡元極。步三光。分州域。物土疆。窮人理。該萬方。緯六經。綴道綱。總百氏。贊篇章。」

(145) 兼六代之美跡苞七聖之遐蹤

六代 七聖〓『三國志』卷十六「杜恕傳」：「使有能者當其官。有功者受其祿。譬猶鳥獲之舉千鈞。良樂之選驥足也。雖歷六代而考績之法不著。關七聖而課試之文不垂。臣誠以爲其法可粗依。其詳難備舉故也。」胡三省注(『資治通鑑』卷七十三)：「六代。唐。虞。夏。商。周。漢。七聖。堯。舜。禹。湯。文。武。周公。」

遐蹤〓『三國志』卷四「明帝紀」注引「獻帝傳」：「念重光。紹咸池。繼韶夏。超群后之遐蹤。邈商周之慚德。可謂高朗令終。昭明洪烈之懿盛者矣。」

(146) 魏魏蕩蕩

蕩蕩〓『詩』大雅「蕩」…蕩蕩上帝。下民之辟。疾威上帝。其命多辟。
魏魏蕩蕩〓注(127)『論語』泰伯を参照。

(147) 在昔先葉

在昔〓『詩』商頌「那」…自古在昔。先民有作。溫恭朝夕。執事有恪。

(148) 德化可述

德化〓『白虎通』辟雍…「天子立辟雍何。辟雍所以行禮樂。宣德化也」。『晉書』卷二十一「樂志下」…「禪讓應大曆。睿聖世相承。我皇陟帝位。平衡正準繩。德化飛四表。祥氣見其徵」。

(149) 儀形可像

儀形〓『晉書』卷二十二「樂志」上…「嘉會置酒。嘉賓充庭。羽旄曜宸極。鐘鼓振泰清。百辟朝三朝。或或明儀形」。注(121)「儀形萬國」も参照。
風流長存暉光不墜

風流…存〓『漢書』卷六十九「趙充國辛慶忌傳」贊…「其風聲氣俗自古而然。今之歌謠慷慨。風流猶存耳」。

暉光〓『易』未濟…「象曰。君子之光。其暉吉也」。張華「勵志詩」(『文選』卷十九)…「復禮終朝。天下歸仁。若金受礪。若泥在鈞。進德修業。暉光日新」。

不墜〓杜預「春秋左氏傳序」…「若平王能祈天永命。紹開中興。隱公能弘宣祖業。光啓土室。則西周之美可尋。文武之跡不墜」。『晉書』卷二十一「樂志」上…「一人有慶。群萌以遂。我后宴喜。令問不墜」。

(151) 古詩之興采遊僮之歌收牧豎之謠

詩〓『禮記』王制…「歲二月東巡守。至于岱宗。柴而望祀山川。覲諸侯。問百年者就見之。命大師陳詩。以觀民風」。
僮…歌…〓劉歆「與揚雄書」(『方言』卷後)…「三代周秦。軒車使者。適人使者。以歲八月巡路。求代語僮謠歌戲。欲得其最目」。

牧豎〓『漢書』卷六十五「東方朔傳」贊…「朔之詆諆。逢占射覆。其事浮淺。行於衆庶。童兒牧豎莫不眩耀」。

(152) 遇不世之運

不世〓『後漢書』列傳三「隗囂傳」…「足下將建伊呂之業。弘不世之功。而大事草創。英雄未集。曹問「六代論」(『文選』卷五十二)…「賴光武皇帝挺不世之姿。禽王莽於已成。紹漢祀於既絕。斯豈非宗子之力耶」。

(153) 被覆燾之施

覆燾〓『禮記』中庸…「辟如天地之無不持載。無不覆幬」。『三國志』卷二十五「高堂隆傳」…「天生蒸民而樹之君。所以覆燾群生。熙育兆庶」。
風人之作奚斯之志

奚斯〓『詩』魯頌「閟宮」…「新廟奕奕。奚斯所作」。

(155) 禮生 守坊 寄學 散生

寄學〓三人が碑陰に見える(「寄學倍位陽平劉雄偶英」「寄學樂陵崇翼長基」「寄學中山張俊洪元」)。
散生〓余嘉錫考證…「題名有散生五十一人。考其籍貫。皆屬於西海。敦煌。西平。金城四郡及西域人。四郡並隸涼州刺史」。

(156) 讚述洪美

洪美 〓『三國志』卷十三「鍾繇傳」注引『魏略』：「誠太常之所宜銘。彝器之所宜勒。故作斯銘。勒之金口。庶可贊揚洪美。垂之不朽。」

(157) 悠悠皇羲

悠悠 〓『詩』王風「黍離」：「知我者。謂我心憂。不知我者。謂我何求。悠悠蒼天。此何人哉。」傳：「悠悠。遠意。」『詩』邶風「載馳」：「載馳載驅。歸唁衛侯。驅馬悠悠。言至於漕。」傳：「悠悠。遠貌。」

皇羲 〓『楚辭』九思「疾世」：「紛載驅兮高馳。將諮詢兮皇羲。」自注：「羲。伏羲。伏羲稱皇也。諮。問。詢。謀。所以安己也。」

(158) 承天作帝

承天 〓『易』坤：「彖曰。至哉坤元。萬物資生。乃順承天。」

(159) 幽讚神明

幽讚神明 〓『易』說卦傳：「昔者聖人之作『易』也。幽贊於神明而生蓍。参天兩地而倚數。觀變於陰陽而立卦。發揮於剛柔而生爻。和順於道德而理於義。窮理盡性以至於命。」『三國志』卷四「三少帝紀」：「丙辰。帝幸太學。問諸儒曰。聖人幽贊神明。仰觀俯察。始作八卦。後聖重之爲六十四。立爻以極數。凡斯大義。罔有不備。」

(160) 觀象天地

觀象天 〓『易』繫辭下：「古者包犧氏之王天下也。仰則觀象於天。俯則觀法於地。觀鳥獸之文。與地之宜。」

(161) 三墳 五典 八素 九丘

三墳 五典 八素 九丘 〓『左傳』昭公十二年：「王曰。是良史也。子善視之。是能讀三墳。五典。八素。九丘。」

(162) 邁茲清流

清流 〓注(95)『史記』「司馬相如列傳」を参照。

(163) 質文推移

質文 〓『論語』雍也：「子曰。質勝文則野。文勝質則史。文質彬彬。然後君子。」

(164) 樸散爲器

樸散爲器 〓『老子』二十八章：「知其榮。守其辱。爲天下谷。爲天下谷。常德乃足。復歸於樸。樸散則爲器。聖人用之。則爲官長。」

(165) 醇澆爲灋

醇澆 〓醇澆は用例未詳。cf.『莊子』繕性：「逮德下衰。及燧人伏羲始爲天下。是故順而不一。德又下衰。及神農黃帝始爲天下。是故安而不順。德又下衰。及唐虞始爲天下。興治化之流。澆淳散朴。離道以善。險德以行。然後去性而從於心。」釋文「澆。古堯反。本亦作澆。」『漢書』卷八十九「黃霸傳」：「臣敞非敢毀丞相也。誠恐群臣莫白。而長吏守丞畏丞相指。歸舍法令。各爲私教。務相增加。澆淳散樸。並行僞貌。有名亡實。傾搖解怠。甚者爲妖。」

灋 〓『史記』卷八十四「屈原列傳」：「衆人皆醉。何不鋪其糟而啜其醢。」

(166) 世篤軌儀

軌儀。『國語』周語下：「帥象禹之功。度之于軌儀。莫非嘉績。克厭帝心。」

(167) 郁郁之美

郁郁。『論語』八佾：「子曰。周監於二代。郁郁乎文哉。」

(168) 鑠哉皇代

皇代。『受禪碑』（本書，二）注（10）參照。潘岳「西征賦」（同卷十）：「而榮疏毛實。水物惟錯。乃有瞻乎原陸。在皇代而物土。故毀之而又復。」注：「皇代。謂晉也。」

(169) 龍飛革命

龍飛。『易』乾：「九五。飛龍在天。利見大人。」

龍飛革。『晉書』卷二十一「樂志」上：「降化洋洋。帝命溥將。登我晉道。越惟聖王。龍飛革運。臨燾八荒。叡詰欽明。配蹤虞唐。」

(170) 天應人順

天應人順。『易』革：「彖曰。……天地革而四時成。湯武革命順乎天而應乎人。革之時大矣哉。」

(171) 敷演舜倫

敷演。『三國志』卷二十五「高堂隆傳」：「隆又以爲改正朔。易服色。殊徽號。異器械。自古帝王所以神明其政。變民耳目。故三春稱王。明三統也。於是敷演舊章。奏而改焉。」

舜倫。『書』洪範：「我聞在昔。鯀陟洪水。汨陳其五行。帝乃震怒。不畀洪範九疇。舜倫攸攸。鯀則殛死。禹乃嗣興。天乃錫禹洪範九疇。舜倫攸攸。」

(172) 亮采賢儔

亮采。『書』舜典：「有能奮庸。熙帝之載。使宅百揆。亮采惠疇。傳：「亮。信。惠。順。求其人。使居百揆之官。信立其功。順其事者。誰乎。」賢儔。『漢書』卷九「元帝紀」：「延登賢俊。招顯側陋。因覽風俗之化。」

(173) 神化罔極

神化。『史記』卷一百二十六「滑稽列傳」：「孔子曰。六藝於治一也。禮以節人。樂以發和。書以道事。詩以達意。易以神化。春秋以義。」

(174) 風翔雨潤

風翔。『晉書』卷八十七「李玄盛傳」：「摧堂堂之勁陣。鬱風翔而雲舉。紹樊韓之遠蹤。倅徽猷於召武。」

(175) 玄覽惟聰

玄覽。『老子』十章：「滌除玄覽。能無疵乎。」張衡「東京賦」（『文選』卷三）：「睿哲玄覽。都茲洛宮。」

(176) 光光翠華

光光翠華。『晉書』卷二十二「樂志」上：「光光景皇。無競惟烈。匡時拯俗。休功蓋世。」翠華。『史記』卷一百十七「司馬相如列傳」：「於是乎游戲懈怠。置酒乎昊天之臺。張樂乎轆轤之宇。撞千石之鐘。立萬石之鉦。建翠華之旗。樹靈鼉之鼓。」

駢駢『詩』小雅「采芣」：「駕彼四牡。四牡駢駢。」

六龍『易』乾・彖：「大哉乾元。萬物資始。乃統天。雲行雨施。品物流形。大明終始。六位時成。時乘六龍以御天。乾道變化。各正性命。保合大和。乃利貞。首出庶物。萬國咸寧。」

(177) 百辟雲集

雲集『王基碑』（本書、七）注（30）參照。

(178) 爰暨生童

生童『班固』幽通賦（『文選』卷十四）：「咨孤蒙之眇眇兮。將圯絕而罔階。曹大家注：「言己孤生童。微陋鄙薄。將毀絕先祖之迹。無階路以自成也。」

(179) 行過乎恭

過乎恭『三國志』卷二「文帝紀」注引『獻帝傳』：「今八方顛顛。大小注望。皇天乃眷。神人同謀。十分而九以委質。義過周文。所謂過恭也。」

(180) 祇奉聖敬

聖敬『詩』商頌「長發」：「帝命不違。至於湯齊。湯降不遲。聖敬日躋。」

(181) 曠若發蒙

發蒙『易』蒙：「初六。發蒙。利用刑人。用說桎梏。以往吝。」

(182) 玄冥司節

玄冥『禮記』月令：「孟冬之月。……其帝顓頊。其神玄冥。同篇の仲冬・季冬も同じ。」

司節『三國志』卷二「文帝紀」注引『典論』自敘：「建安十年。始定冀州。藏貊貢良弓。燕代獻名馬。時歲之暮春。勾芒司節。和風扇物。弓燥手柔。草淺獸肥。與族兄子丹獵于鄴西。終日手獲驪鹿九。雉兔三十。」

(183) 饗飲嘉賓

嘉賓『詩』小雅「鹿鳴」：「呦呦鹿鳴。食野之苹。我有嘉賓。鼓瑟吹笙。」注（44）『晉書』「樂志」上を參照。

(184) 執弓鷹揚

鷹揚『「范式碑」（本書、五）注（28）參照。

(185) 百拜逡巡

百拜『注（69）』「百拜之儀陳」參照。

逡巡『「公羊傳」宣公六年：「趙盾逡巡北面再拜稽首。趨而出。」

(186) 金石迭奏兩禮並陳

金石『注（71）』「金石之音」參照。

兩禮『鄭氏禮と王氏禮のこと。』

(187) 容服猗猗 宴笑斌斌

猗猗。『詩』衛風「淇奥」：「瞻彼淇奥。綠竹猗猗。傳：『猗猗。美盛貌。』」

斌斌。『晉書』卷二十二「樂志」上：「時豳斌斌。六合同塵。往我祖宣。威靜殊鄰。」

(188) 德感庶類

庶類。『國語』鄭語：「夏禹能單平水土。以品處庶類者也。」

(189) 洪恩豐沛

洪恩。王褒「四子講德論」(『文選』卷五十一)：「若乃美政所施。洪恩所潤。不可究陳。」

豐沛。王褒「四子講德論」(『文選』卷五十一)：「於是皇澤豐沛。主恩滿溢。百姓歡欣。中和感發。是以作歌而詠之也。」

(190) 東漸西被 朔南式賴

東漸 西被 朔南。すべて注(54)『書』禹貢を参照。

(191) 咸寧四年十月廿日立

『水經注』卷十六穀水：「漢石經北有『晉辟雍行禮碑』。是太始二年立。其碑中折。楊守敬・熊會貞疏：「近洛陽出土有『晉辟雍碑』。……今碑與鄭氏所見各一碑。蓋泰始三年嘗刻石紀事。後又綜紀泰始咸寧諸事于一碑也。」

大晉龍興し皇帝辟雍に三たび臨み皇太子又た再たび之に莅むの盛德隆熙の頌

曰に昔先代に在り、文教を肇開するや、風を殊にし化を至すは、跡を黃唐に發し、物を備え用に致すは、體を三代に具う。歷て列辟廢興存亡する自り、以て秦漢に降り、國を開き統を立てたりと雖も、皇道は融らず、帝典は闕けて未だ備わらず、王綱は張らざる所有り。世を累ぬること彌久にして、由來有るべし。大晉龍興に至るも、魏氏之多難に當たり、天命未だ壹ならず、豪桀虎爭し、三方分崩す。寔に宣皇帝の風に櫛り雨に沐し、寓内を經營するに賴るなり。是の時正朔は未だ華陽に加らず、王教は江表を被わず、西嶠は拊握し、楊越は内侵し、戎車屢しば駕し、抑そも暇あらざる有り。神武を誕敷し、四海を光被し、風に流いて化を邁め、黎元を惠懷すと雖ども、未だ治定の制に違あらず、儒道時を並じくして施さるを得ず。文皇帝方めて負固を寇するに至るも、猶お未だ職に帥わず、左に提し右に挈して、邊垂を虔劉す。乃ち威を域外に振い、梁益を盪定し、西戎既に殄き、遂に眷みて東に顧み、文もて江裔に告げて、百姓の爲に命を請い、南蠻順軌し、面を革め款附し、九服混同し、聲教貳なる無し。彭濮肅慎、皮を織りて衣服するの夷、楛矢・石矟・齒革・大龜の獻、王庭に和會し、膝を屈して贄を納れざるは莫し。戎夏既に泰く、九域事無きも、儒術久しく替え、古典未だ隆んならざるを以て、乃ち道教を興し、以て帝載を熙め、廓く大學を開き、廣く羣生を延ぶ。天下より鱗萃し、遠方より訓を慕い、東のかた海を越え、西のかた流沙に及ぶまで、時を並じくして集い至り、萬有餘人なり。聖上踐祚するに暨び、前軌を崇光し、五帝の絕業を闡かし、三代の弘風を邁む。禮を敦くし化を明かし、庠序を以て先と爲す。乃ち相國長史東萊の侯史光、主簿東萊の劉毅を遣わし、奉詔もて學に詣せしめ、博士を延べ、學生を會し、讜言を諮詢す。又た丙辰の詔書を下して、古禮を興行し、其の器服を備う。大常樂安亭侯琅耶の諸葛緒、博士祭酒騎都尉

濟南の劉熹、博士京兆の段熲、儀制を考合し、絃歌を述造す。泰始三年十月、始めて郷飲酒・郷射禮を行い、馬・鄭・王三家の義、時を並じくして施さる。然る後疊樽公堂に列なり、俎豆庭階に陳なる。郷縣の樂設けられ、百拜の儀陳ねられ、縉紳の士、始めて揖讓の節、金石の音を觀る。六年正月、熹・溥等 又大射禮を奏行し、乃ち大侯を抗げて泮縣を設け、肆夏を用い、騶虞を歌い、邦君の制、是に於いて顯れり。其の年十月、郷飲酒禮を行い、皇帝躬ら之に臨幸し、法服を正し、黼黻を負い、王公卿士・博士・助教・治禮・掌故・弟子門人を延き、咸な列位に在り、文を被り徳を相けざるは莫し。祇^つみて憲度に服し、穆穆焉として、濟濟焉として、槍槍焉として、禮行われ樂奏でらる。詔して曰く、群生學に勤め禮に務め、舊典を遵修す。朕甚だ之を嘉す、と。遂に斑饗し大燕し、上下咸な周く、三家の禮、庭肆すること終日なり。既にして寺卿・丞・博士・治禮・學生に錫い、下は樂工に至り、束帛幘巾、各おの等差有り。厚く施し豊かに備わり、人勸むる所を知り、宇内風を承け、景慕せざるは莫し。時に于いて方國の貢使、及び款塞の入獻の戎、海外にて倍^{たす}くる者は、蓋し萬を以て數う。夫の耆老の若きは邑里に嘯歎し、士女は郊畛に抃舞し、升平の謠を歌詠し、大同の慶を咨嗟す。布濩し流衍し、四嶠に充塞し、英聲を飛ばし、茂實を騰げ、以て天地を盈たし六合を冒うに足る。咸寧三年、大常修陽子平原の劉寔、博士京兆の段熲と漁陽の崔豹とに命じて大禮を講肆せしむ。冬十一月、郷飲酒禮を行う。四年二月、大射禮を辟雍に行う。皇太子聖德光茂にして、敦く墳素を悦び、道德の原を斟酌し、仁義の藪を探賸す。遊心し遠覽し、研精して古を好み、務めて國典を崇め、以て時雍に協う。大保持中大尉魯公充、大傳侍中司空齊王攸、儻事給事中光祿大夫關内侯珽、及び百辟卿士と、共に辟雍に升り、親しく禮樂に臨み、儲尊の貴を降し、齒讓の制を敦くす。軌憲を壽咨し、話言を敷納し、堂に不臣の客を列ね、庭に布衣の實を延ぶ。學徒を緝柔し、衆心を接引し、溫溫として其れ仁、翼翼として其れ恭なり。故に夫れ洪烈の美、述ぶべくして及ぶべからず、規模の格、衍くべくして階るべからず。是を以て髦士駿奔し、華夏嚮臻し、聖緒を緝熙し、至化を光融し、萬國に儀形し、四方に作孚し、盛徳大業、斯に於いて美爲り。是に於いて學徒純澤に沐浴し、風を承け化に感じ、伏膺詠歎して、手の之を舞うを知らず。乃ち相い與に言いて曰く、蓋し帝王の位を享くる者は、必ず則天の象有り。厚載の功を成す者は、必ず不朽の業を建つ。是を以て順應交泰なるは、三皇より崇きは莫し。物を開き務を興すは、五帝より隆きは罔し。前聖の歸美する所にして、永く鴻名を守り常に稱首と爲るは、唯だ斯れのみ。然るに夫れ品物の咸な亨るは、廣被を以て貴と爲し、天下の化成するは、同風を以て大と爲す。前人を光かし、得て篤く述ぶべき者は鮮からん。今變通の符、典模の則を觀るに、天に順い運を承け、區域を肇造するは、則ち虞・夏の烈なり。皇極の中を建て、配天の範を恢むるは、則ち羲・農の略なり。威を輶^かし徳を邁め、之に風聲を樹つるは、則ち湯・武の軌なり。化本を闡^あかし、道綱を垂るるは、則ち宣尼の教なり。六代の美跡を兼ね、七聖の遐蹤を苞み、魏魏たり蕩蕩たるは、大晉其れ是なるのみ。昔し先葉に在りて、徳化の述ぶべき、儀形の像るべきは、皆な之を雅頌に發し、之を金石に播す。故に風流をして長えに存せしめ、暉光をして隧としめず。且つ古詩の興るや、遊僮の歌を采り、牧豎の謠を收む。今不世の運に遇い、覆燾の施に被わる、豈に風人の作、奚斯の志無かならんや、と。是に於いて禮生・守坊・寄學・散生、乃ち共に石に刊^きみ、洪美を讃述し、遂に頌を作りて曰く、

悠悠たる皇羲、天を承け帝と作る。神明を幽讚し、象を天地に觀る。三墳・五典・八素・九丘、原を發すること在昔にして、茲の清流を邁む。大道

陵遲し、質文推移す。樸は散じて器と爲り、醇は澆く灘と爲る。降りて三代に還^{およ}び、世よ軌儀を篤くす。郁郁の美、斯よりも尙きは莫し。六國從橫し、禮樂消亡す。秦其の緒を焚き、漢末だ之詳らかならず。鏐たるかな皇代、時れ惟れ大晉、龍飛し革命し、天應じ人順う。舜倫を敷演し、亮^{まこと}に賢儔を采る。神化極まる罔く、風翔け雨潤う。明明たる天子、玄覽して惟だ聰し。六藝に心を遊ばせ、辟雍に再臨す。光光たる翠華、駉駉たる六龍。百辟雲集し、卿士率い従う。儒林位に在り、爰に生童に暨^{およ}ぶ。升降に序有り、行いは恭に過ぐ。祇みて聖敬を奉じ、曠若として蒙を發く。玄冥節を司るや、嘉賓に饗飲す。大射の儀、元春において講じらる。執弓すること鷹揚たりて、百拜すること逡巡たり。金石迭いに奏され、兩禮並びに陳ぶ。容服猗猗たり、宴笑斌斌たり。德熙類に感じ、洪恩豐沛たり。東に漸し西に被し、朔南式て賴る。遂に頌聲を作し、永く萬世に垂る。咸寧四年十月廿日立。